

Ex Libris Recollectorum
INSTRUCTION

**FAMILIERE ET TRES-
FACILE POVR APPRENDRE
LES SCIENCES DE CHIROMANCE**

& Physiognomie.

DANS LAQUELLE EST ENSEIGNE
*le plus parfait des secrets de la Memoire Artificielle,
dite l'Art bref de RAYMOND LILLE,
Grandement necessaire tant à ceux qui font Profession
de Prescher, Haranguer, Plaider, que pour ceux qui
font grand commerce de marchandise.*

PL V S
VN DISCOVRS ASTROLOGIQUE
& Description Geographique & Topographique
**du Comette qui apparust sur nostre He-
misphere, l'Année derniere 1618.**

AVEC LES PREDICTIONS
d'iceluy, dont les evenemens en seront formidables.

LE TOVT

Par M. JEAN BELOT Curé de Mil-monts,
Professeur es Mathematiques Diuines

& Celestes.

Conventus Parisiensis



31183

A PARIS,

Chez { **NICOLAS ROVSSET** } En l'Isle du
Et { **NICOLAS BOYRDIN** } Palais, vis à vis
les Augustins.

M. DC. XIX.

AVEC PRIVILEGE DV ROY.

EΙΣ ΒΑΚΑΝΟΝ.

Βιβλῶ τῇδε ὅπῃς φθόνεις, παρές οἱ φίλοι αὐτῶ.

Εἴτιγδ' ἔργμασι βάσσει, ἀνάγνωσις φθόνην ἄνξει.

IN INVIDVM.

*Invidus his quisquis sis, mittito non tibi
grata,*

*Aut opus eximium, ut possit, lege, cresce-
re Lino.*

I. BELOTVS M. R.



A MONSEIGNEVR

LE REVERENDISSIME ET
ILLVSTRISSIME EVESQVE DE
Chartres, Messire P H I L I P P E
H V R A V T , Conseiller du Roy,
en ses Conseils d'Estat & priué,
grand Ausmonier de la Roync
mere du Roy, &c.



ONSEIGNEVR,

*l'offre à vostre grandeur ce pre-
sent qui semblera petit & mince,
à ceux qui ne font autre profession que criti-
quer & censurer les arts & sciences; pour par
ce moyen (deceus par leur vaine presumption)
se faire estimer entre les Idiots grandement
sçauants; semblables à la ratte, laquelle ne
se peut aggrandir que par le detrimet de tous*

EPISTRE.

les autres membres. Mais des doctes & amateurs des lettres grandement estimé pour sa rareté. Or si tost MONSIEUR qu'il a commencé à naistre, tout de mesme l'affection a esté née en moy de vous le consacrer, pour 2. raisons: La 1. la recognoissance que i'ay de l'amour que portez aux amoureux des Muses, qui vous est originelle. Monseigneur vostre Pere ce grand Chancelier, les a aymé & feruement, comme tous les doctes le tesmoignent, & i'ai d'escrits à luy dediez. La 2. vos vertus qui sont tant illustres, qui vous font venerer par toute la France, qui vous tient comme vn Phœnix entre les Prelats, à qui la naissance & les Astres promettent la sublimité des dignitez Ecclesiastiques, où peuuent aspirer les Prelats François, car ainsi que feu Monseigneur vostre pere, duquel vous estes heritier des vertus & du nom, estoit né sous la vierge Astrée, a esté esleué au plus haut degré de la Iustice, de mesme vous qui estes né sous vn tel estre, croy qu'il vous promet que sereZ erigé en l'vne des plus eminentes gran-

deurs de l'Eglise, qui est le Cardinalat : Dignité que vos merites ont acquis, tant pour le zèle que portez à l'Espouse de IESVS CHRIST, que les seruices qu'auez rendus en ceste Monarchie Françoisse, qui vous faict cherir & aimer par nostre grand Roy & Iuste Louys XIII. & de la Royne sa mere, la plus vertueuse Princesse que nous ayons iamais eu, dont les singulieres vertus la firent Espouse du plus pieux, sage & belliqueux Monarque, qui aye iamais tenu sceptre. Ces choses considererez MONSIEUR, & ma qualité, ie n'ay peu ne deu à autre qu'à vous dedier ce mien labeur, pour vous payer le tribut de mes labeurs, comme les Astres font au Soleil pere de leur lumiere, ou les fontaines & fleuves au grand Ocean : tout ainsi estant le moindre de tant de venerables Curez qui decorent vostre Diocese, ie vous offre ce present. Nous lisons chez les Poëtes, que Jupiter & Mercure hostelerent en la maison de Philemon, & de Baucis, ou la estant ses simples gens leur firent present de quelques enirlan-

EPISTRE.

des, de fleurettes qu'ils receurent courtoisement, & pour monstrier qu'ils auoient tel don pour agreable, ils en cernerēt leurs fronts. Imittez ces diuinitez. **MONSEIGNEUR**, vostre grandeur receura benignement ce petit don, sans prendre garde à sa bassesse: mais à l'affection de celuy qui le donne, qui ne vist que pour s'immortaliser en ceste qualité,

MONSEIGNEUR

De

ce 10. d'April

1619.

Vostre tres-humble &
tres-obeissant seruiteurI. BELOT Curé de
Mil-monts.

P R E F A C E,
AUX LECTEURS.

DOVR contenter les esprits curieux de quelques vns de mes amis (Candide Lecteur) ie mis la main à la plume a tracer ce petit traité de Chiromantie, lequel succinct & veritable ie desiray mettre en lumiere, afin que les poursuivants & studieux de ceste science, ayent dequoy contenter leur curiosité, sans estre attediez d'une longue lecture & discours trop prolix & ennuyeux. C'est pourquoy i'entray (en ce Preface) en la definition de cet Art pour abreger, & faire les indoctes y profiter & en recognoistre les principes, aussi bien que les doctes, & par ce moyen faits sçauants en iceluy art, sans plus long & laborieux travail: Ce liure en est vn Epitome, toutesfois assez ample pour instruire pertinemment ceux qui seront curieux. La Chiromance doncques est vne diuination par l'aspect & regard de la main, laquelle est recueillie selon les lignes & traits d'icelle: ou selon H.C. Agrip.

P R E F A C E.

Est diuinationis Species, quæ per linearum manuum inspectionem celebratur. Ou comme il dict ailleurs, *Chiromantia autem in vola manus pro numero planetarum septem montes effingit: atque ex lineis, quæ ibi conspiciuntur, quæ hominis complexio, qui effectus, quæ vita, quæ fortuna sese posse cognoscere arbitrantur per linearum harmonicam correspondentiam, &c.* Pour la distinction de la main se fera au premier chap. suyuant, qu'en traicterons: mais avant que d'entrer en icelle, disons comme l'antiquité a eu ceste science en recômedation. Nous en voyôs quelques traits assez remarquables en l'Escriture Saincte, tant en Iob, qu'en la Sapience ou ce sage dict, *La longueur des iours est en sa dextre: & en sa fenestre richesses & honneurs, &c.* Paroles que les sages & curieux remarquent serieusement: comme estant vn trait de la Diuinité. Les plus sages profanes, & les plus grands esleuez aux dignitez de Magistratures, se sont arrestez en ceste science Chiromantique. Aristote Prince des Philosophes en a faict des liures amples & tresdoctes. Virgile, Plaute & Iuuenal ils y ont esté maistres. Le dernier disoit en la Satyre 6. *Frontemque manumque præbebit fati.* Ceux qui ont esté esleuez aux plus hautes dignitez de Magistrature, qui ont aymé ceste science à esté Lucius Syl-

la,

P R E F A C E.

la, & I. Cæſar comme remarque Suetone & Iosephe, qui dit que par la main iceluy Cæſar reconnut le faux Alexandre, qui se disoit fils d'Horodes. Mais sans grossir mon discours de la recherche de la curiosité des anciens en ceste science & sur sa louange, ie prieray les amateurs d'icelle de voir ce qu'en dit Aliatenſis Cardinal, Sauanarola, Scotus, André Coruin & plusieurs autres, qui ont esté tres-experts aux secrets d'icelles, laquelle science est infailible en ses effets, & par laquelle nous pouuons preuoir beaucoup d'infortunes, science necessaire aux Prestres & Medécins, en la visite de leurs malades, afin par les traits du visage & de la main, recognoistre l'estat de leurs maladies. C'est pourquoy, Amy Lecteur, tu ne trouueras mauuais, attendu ma profession que ie me ſois arreſté en icelle science & en auoir eſcrit ce qui euſt esté plus louable à vn Medecin qu'à moy, ie t'aſſeure que ie ne l'ay faiſt que pour la priere de quelques vns de mes amis & plus familiers, lesquels m'ont ſtimulé de mettre ce liure en lumiere pour leur ſeruir d'inſtruction en icelle science; ce qu'obtemperant à leur volonté, ie l'ay faiſt, avec la plus naiſſe ſimplicité qu'il m'a esté poſſible de trouuer, & par methode ſi pre-

P R E F A C E.

hensible (commel'on le peut cognoistre)
que les plus stupides d'esprit la peuuent
comprendre facilement & s'y faire maistres
& doctes. Mais quand ils auront la co-
gnoissance de ces reigles, i'espere en bref
pour les contenter & vous aussi Amy Le-
cteur, & vous donner sur ce subiect choses
plus hautes & dignes.

A D I E U.

PRIVILEGE DV ROY.

L OVIS PAR LA GRACE DE DIEV ROY
DE FRANCE ET DE NAVARRE: A nos
amez & feaux Conseillers tenans nos Cours
de Parlement, & Maistres des Requestes de no-
stre Hostel, Preuost de Paris, & à tous nos autres
Iusticiers & officiers qu'il appartiendra, Salut:
Nicolas Roussel marchād Libraire de Paris nous
a fait humblement exposer qu'il luy a esté mis és
mains vn liure. Intitulé *L'Instruction familiere pour
apprendre les sciences de Chiromance & Phisiognomie,
dans laquelle est enseigné le plus parfait des secrets de
la memoire Artificielle, dit l'Art bref de Raymond Lulle,
& plus vn discours Astrologique & Topographique du
Comete qui apparut l'année derniere, par M^e Iean Belot
Curé de Milmonts, Professeur ès Mathematiques Diuines
& Celestes*: Lequel il desireroit faire Imprimer, re-
querant sur ce nos lettres: A CES CAUSES, vou-
lons ledit exposant estre recompensé de ses fraiz
mises, peines & trauaux; à la charge de mettre
deux exemplaires en nostre Bibliotheque, luy
auos permis & octroyé, permettons & octroyons
par ces presentes, d'imprimer vendre & debiter
ledit Liure par tout nostre Royaume, pays, terres
& seigneuries: Et cependant l'espace de six ans, à
compter du iour & datte des presentes. Faisant ex-
pres inhibitions & deffenses à toutes personnes
de faire le semblable sur peine de confiscation des
exemplaires, & de quatre cens liures d'amende
moitié à nous applicable, & l'autre audit expo-

fant : Voulons en outre quoy faisant mettre au commencement ou à la fin dudit liure ces presentes, ou vn extrait d'icelles, qu'elles soient tenuës pour signifiées & venuës à la cognoissâce de tous, sans souffrir ne permettre luy fait estre mis ou donné aucun empeschement au contraire : De ce faire vous donnons pouuoir & mandement special : CAR TEL EST nostre plaisir. Donnée à Paris le sixiesme iour d'Auril, l'an de grace mil six cens dix-neuf : & de nostre regne le neufiesme.

Signé

DES-YVES.

Ledit Rouffet a accordé que Nicolas Bourdin aussi marchand Libraire à Paris, jouysse dudit Priuilege, ainsi qu'il a esté accordé entre eux.

Acheué d'Imprimer ce Samedi 15. Iuin, 1619.



ABREGE QVIL CONVIENT
SCAVOIR POVR APPRENDRE
LA SCIENCE DE CHIROMENCE.

CHAPITRE PREMIER.



REMIÈREMENT il conuient
connoistre & sçauoir qu'il y a
sept planettes, dittes estoilles
Erratiques, qui ont chacune
leurs caracteres dont on vse
en l'Astrologie, lesquel-
les ont grand puissances sur
les corps inferieurs, & regis-

sent chacune quelque partie ou membre du
corps humain, & particulièrement des mains,
leurs caracteres & marques (selon les Astrolo-
gues, sont tels

Saturne	♄	
Iupiter	♃	
Mars	♂	
Le Soleil	☉	

Venus	♀
Mercure	☿
La Lune	☾

Faut aussi sçauoir qu'il y a douze signes au Zodia-
que, & cognoistre leurs marques par lesquels ils
sont recognus, & ou ils sont posez à la main : Tu

dois ſçauoir que c'eſt que Zodiaque, qui n'eſt autre choſe qu'un cercle imaginé au Ciel, reiglant les années, les mois, & les ſaiſons d'icelles, que les Grecs nomment Ζοδιακος, qui eſt à dire, *porte vie*, pource que la vie de tous les animaux depend de ce cercle: car le Soleil montant vers nous le long d'iceluy, nous porte la generation des choſes, & en deualant la corruption. Les Latins le nomment *Signifer*, c'eſt à dire *Porte-ſigne*! pource qu'il eſt demembré en douze parts qui ſont nommez ſignes.

Ces ſignes ſelon Sacrobosco en ce vers.

Sunt Aries, Taurus, Gemini, Cancer, Leo, Virgo, Libra, Scorpius, Arcitenens, Caper, Amphora, Piſces.
Mettons les icy ſelon leurs ſaiſons, avec leurs caracteres, pour ſeruir en ce ſubie& Chiromentique.

L E P R I N T E M P S.

Aries	♈
Taurus	♉
Gemini	♊

L' E S T E'.

Cancer	♋
Leo	♌
Virgo	♍

L' A U T O M N E.

Libra	♎
Scorpius	♏
Sagittarius	♐

L' H I V E R.

Capricornus	♑
Aquarius	♒
Piſces	♓


Leurs qualitez & dominations ſur les corps ne ſont de neceſſité representer icy: mais pour ce qui eſt de la main vous le voirez en la ſeconde & troiſieſme figure ſuiuante, mais poſons les noms &

appellations des sept lignes de la main partie principale de la Chiromentie qui sont

La mensale, ou de fortune	1
La moyenne naturelle	2
La ligne de vie, ou du cœur	3
Ligne du foye, ou de l'estomach	4
La ligne sœur de la ligne de vie	5
La percussion de la main	6
La restraainte	7

Ces lignes sont toutes recognees à la Chiromencie, lesquelles il est de besoin sçauoir & cognoistre, & les distinguer l'une d'auec l'autre : & pour faciliter ceste cognoissance, i'ay bien voulu vous donner ces trois figures : l'une qui est la premiere pour les planettes & lignes : la seconde pour les signes du Zodiaque, & la troisieme pour les mesmes signes en autres lieux posez.





LA VRAIE ET ENTIÈRE
*description de la main, qu'il faut sçavoir
 pour cognoistre quelque chose en Chiro-
 mence,*

CHAP. II.

LES mains sont des principales parties du
 corps lesquelles sont si necessaires & vrgen-
 tes, que nostre poëte François leurs don-
 nent telles Epitetes.

— — — *chambrières de Nature*

Cinges de l'Eternel, instrumens à tous ars,

Et pour sauuer nos corps non soudoyez soudars, &c.

Les Anatomistes les diuisent en trois parties prin-

cipalles, assauoir le poignet, l'auant-main & les
 doigts, la descriptiō la plus belle se trouue en l'O-
 steologie d'Hipocrate: mais les Chiromentiens ces
 trois parties cy dessus nommez sont dites, l'vne la
 palme, mot & appellation dont Apulee cest aidé en
 son Asne doré, appellant ceste partie *Dea Palmaris*,
 que nous nommons en Chiromence, *Plaine de*
Mars. L'autre partie est dictē la Vole, qui est les
 extremitēz de l'autre costé du poulce vers le petit
 doigt dit auriculaire, que nous nommons mont de
 la main, ou de la Lune. La tierce partie sont les cinq
 doigts qu'il faut remarquer selon leurs nominatiōs
 qui sont telles, selō les Medecins *Pollex*, *Index*, *Me-*
dius, *Annularis*, *Auricularis*, que i'ay voulu vous re-
 presenter cy dessus en ces trois figures, & non avec
 vn nōbre infini qui apporte de la cōfusion, comme
 a fait vn Indagine, Cocles, Corue, & plusieurs au-
 tres. Outre plus vostre main seule vous peut suf-
 fire pour pertinemment le recognoistre sans autre
 figure. Vous deuez doncques remarquer que le
 poulce comme le premier & plus gros & robuste
 est ainsi appellé & est dedié à Venus, & à tel signe
 ꝯ. Le plus prochain d'iceluy est appellé *Index*, ou
 indicatif, ou demonstratif, à cause que par iceluy
 nous demonstons quelque chose que ce soit &
 les anciens Philosophes l'ont ainsi nommé, & en-
 tr'autre Socrate, lequel pour ceste raison estoit
 despaint, demonstrent de ce doigt vne femme qui
 estoit representee pour la Nature, & ce doigt est
 donné à Iupiter signe ꝰ. Le troisieme est nom-
 mé le Mytanier ou mitancier estant situé au mi-
 lieu, aucuns l'appelle Medecin, à cause que de ce-
 luy l'on touche les lieux secrets quand ils sont ma-

lades: les Latins le nommoient *Verpus*, de ce mot *Verro*, qui signifie à nostre vulgaire gratter, on tient comme dit Iuuenal que les Iuifs en grattent leurs parties honteuses, quand ils ont la discentiere. Et Orus Apollo en ces Hieroglifiques représente ce doigt pour vn hōme diffamé, & noté de quelque infamie, mais ce doigt avec le poulce, & l'indice iadis representoient la Trinité, ou main de Iustice de nos Roys; Il s'en voit en nos antiques bastimens, particulièrement à Plaisy en Galie, de laquelle le President Fauchet au liure 7. de son Histoire du declin de la maison de Charlemagne en traite amplement. Ce doigt est de Saturne & a pour marque & signe ce h, C'est assez de cestuy, parlons de celuy qui suit que nous appellons Annulaire, pour autant que coutumierement l'on y porte vn anneau, & particulièrement en la main senestre: Les Doctes Medecins & Anatomistes disent pour raison de cela, qu'en ce doigt est vn nerf fort tendre & delié qui tend au cœur, pourquoy il doibt estre enuironné d'un anneau, commed'une couronne pour la dignité. Mais remarquez encores qu'aux ceremonies du Mariage ayant commēcé au poulce à mettre l'anneau matrimonial, l'on le retire & est mis aux autres iusques à celuy cy, auquel l'on le laisse. Pourquoy quelques vns qui se sont arrestez, comme Durand en son Rational, des Diuines Offices, à discourir sur ces ceremonies, dit, que cela se fait pour raison qu'il respond au cœur, siege des affections & de l'amour: Autres disent, à l'occasion qu'il est dédié au Soleil, & que la plus part des an-

neaux s'ôt d'or, metal, qui lui est aussi dedié; Etain-
 si par cest assemblage & Sympatie le cœur s'en res-
 iouit. Ce doigt à ceste marque pour le Soleil. ☉.
 Le dernier & plus petit de tous est nommé le doigt
 Auriculaire, ou auriculier, pour cause que le plus
 souuent nous en vsons pour curer & nettoyer nos
 oreilles, comme d'un ferrement: Nous lisons que
 Denis Tyran de Syracuse ne voulut iamais autre
 instrumēt à se nettoyer ses oreilles, douteux que l'ō
 ne luy dōnast quelque instrument entoxiqué, estāt
 Prince grandement craintif & deffiant, dont la vie
 à esté miserable pendant sa tyrannie pour la crain-
 te imprimée en son ame: ce doigt est attribué à
 Mercure, & porte pour signe ☿. Or tous ces doigts
 ont des enflures qui s'esleuēt des racines ou bases
 d'iceux doigts, qui sont appelez montagnes, attri-
 buez & dediées aux Planettes, esquelles est adiou-
 stee celle chair paroissante & eminente, qui est &
 appartient à la percussion de la main, les quatre
 doigts principaux ont douze ioinctures ou ligamēs,
 auxquels douze est attribué les douze signes du Zo-
 diaque (comme il se void en ceste figure precedē-
 te) & à chaque doigt vne des saisons de l'annee,
 comme l'indice qui est Iupiter, nous luy donnōs
 le Printemps, & à chaque ioincture vn des signes
 de ceste saison, à la premiere proche de la summité
 Aries, à celle du milieu Taurus, & à celle de la raci-
 ne Gemini, qui ont pour nottes ces trois Caracte-
 res γ. δ. η. Celuy doigt respond au petit ou auri-
 culier qui est deub à Mercure, qui se prend pour
 l'Automne, & se conforme à celuy de Iupiter, ils
 representent deux saisons esgales en douceur &
 temperatures, dont les deux signes premiers, sont

Equinoxes (c'est à dire) qui rendent les iours & les nuicts esgaux, les signes de ceste saison d'Automne donnez à ce doigt, & qui se posent en la mesme façon que les autres, sont Libra, Scorpius & Sagittarius, qui ont pour marques ♎. ♏. ♐. Le Miltancier qui est Saturne, nous represente l'Hyuer, saison rigoureuse pour le froid, a ces signes Capricornus, Aquarius, & Pisces, qui s'ont ainsi marquez, ♑. ♒. ♓. L'Annulier qui est au Soleil, a pour signe Cancer, Leo, & Virgo, qui ont pour Caracteres, ♋. ♌. ♍. Et ces deux saisons ont en leurs premiers mois, les deux Solstices: c'est à dire, que le Soleil ne descend, ne remonte d'auantage, s'arrestant aux deux extremittez du Zodiaque, du Zenit, pour son eleuation, & au Nadair pour sa descention. Ces deux angles representees en la main, nous deuons imaginer le Zenit en la summité du doigt miltancier, & le Nadair pres la Restrainte, où finit la ligne de vie, ainsi represente vne figure d'Ouale.

Nous la pouuons représenter selon la troisieme figure cy dessus nous imaginant la ceinture du Zodiaque le long du doigt indice descendant par au dessus du poulce, & la montagne de Venus, qui sera comprise en l'Ouale du Zodiaque, & imaginerons ainsi nos signes, Aries sur l'enflure au dessus de la Restrainte. Taurus sur la Montagne de Venus, & sur les branches & rameaux de la ligne de vie (qui nous denote la vie) Gemini est posé, sur la premiere racine ou ioincture du doigt Indice Cancer, sur la 2. Leo, sur la 3. Virgo: & laissons le poulce comme separé n'estant doigt parfait, n'ayât que deux ioinctures ou ligamens, qui est le premier nombre, selon les Arithmeticiens dit plat, qui n'a
tant de

tant de perfection que le Ternaire, ou le trois qui est le second. Ce demy cercle nous l'appellons Arctique. Pour l'autre demy cercle Meridional que nous appellons Antarctique, nous le commencerons en la summité du doigt annulier, & poserons le premier signe qui est Libra sur la premiere ioincture de ce doigt: sur la 2. Scorpius: sur la racine ou troisieme Sagitarius: à l'extremité de la ligne Mensale Capricornus: sur le milieu de la montagne de la Lune Aquarius: & proche de la restraincte de ce costé là Pisces: ainsi les sept montagnes des Planettes seront encloses en la ceinture ou zodiaque.

Il faut sçauoir & remarquer que chaque montagne (ce que ie declareray plus amplement cy après aux regles de ceste science) qu'ils signifient & denotent quelque chose digne: comme celle de Venus l'Amour, celle de Iupiter les honneurs, celle de Saturne les infortunes, celle du Soleil les richesses, celle de Mercure les sciences, celle de Mars les exploicts militaires, & celle de la Lune les afflictions & maladies d'esprit. Je ne passeray plus auant en ceste notion, signification & remarques d'icelles montagnes, reseruant cela en vn autre chapitre. Mais auant que sortir & conclure cestuy, ie toucheray vn mot des lignes & remarques de la main necessaire en ce lieu.

En l'enclos doncques de la main, il y a six lignes sections ou trencheures, lesquelles despendent toutes (comme il faut sçauoir) de trois principales parties de l'homme, lesquelles parties sont le chef, le cœur & les roignons, desquelles dependent les trois mondes, qui sont Intellectuel, Cele-

10 TRAICTÉ DE
ste & Elementaire: ainsi se posent.

L'Intellectuel	au	{	Chef	}	a Dieu
Le Celeste			Cœur		au Ciel
L'Elementaire			Roignons		aux Elements

Ainsi des lignes de la main.

La Mensale,	au	{	Chef	}	Dieu.
La Moyenne					

Ligne de vie	au	{	Cœur	}	Ciel.
Ligne de l'Estomach,					

La Percussion,	aux	{	Roignons	}	Elements.
La Restrainte,					

Pour recognoistre ces lignes, il faut sçauoir d'oc,
premierement que la Mensale prend sa force de
tout le chef, & qu'elle commence en la percussion
de la main, ou la montagne de Mercure situee
sous le doigt auriculaire, laquelle va avec deux
ou trois rameaux, & plus souuent toute seule; fail-
lir & se terminer sous l'Indice, & quelques fois
se ioint avec la moyenne, estant toutes deux res-
pondantes au chef, & avec celle de Vie, & font vn
angle se finissant entre les montagnes de Venus &
Iupiter.

La 2. du chef dite Moyenne naturelle est celle
qui prend commencement à la racine de la ligne

de Vie, & passe par le milieu de la Palme entre les montagnes de Mars & de la Lune, & se va rendre sous celle de Venus, & plus souuent à la Mensale, comme il est dit cy dessus.

La 3. celle de Vie dite du cœur commence à la montagne du doigt indicatif, & se termine pres le lien que nous appellons Restrainte, diuisant la montagne de Venus d'auec le triangle ou palme.

La 4. dite du foye ou de l'estomach, prend son origine & commencement sous la montagne de la Lune, & va faire le triangle de Mars, trauerfant la ligne Moyenne, ou directe, se ioignant à celle de Vie au dessus du mont de Venus.

La 5. est la Restrainte qui est les espaces qui apparoissent en la ioincture de la main, ou il y a deux lignes du moins, & du plus quatre, & plusieurs traicts montant vers le mont de Venus.

Pour la 6. nous mettrons la sœur compagne de la ligne de vie qui la suit: Puis nous adioustons la percussion qui est la partie de dehors, laquelle mouue, lors que nous frappons sur quelque chose. Ce sont icy des parties plus notables de ceste science, qui nous faut remarquer & recognoistre pour ne manquer aux diuinations estant les principes de ceste Science Chiromentique.

À QUOY EST NECESSAIRE

les sept planettes, & les douze signes du
Zodiaque en la science de Chiromence.

CHAPITRE. III.

Avant que d'entrer plus auant en la solution de ceste question, & en instruire le cupide d'apprendre ceste Science; Je desire contenter les doctes, & icy faire vne digression (toutesfois r'abrégée) touchant les Planettes & signes du Zodiaque, & montrer comme l'antiquité les ont accommodez & leurs influences aux sciences, Arts & disposition des corps. Les Iuifs desquels nous auons mandié nostre Foy & croyāce, & sont nos aīnez tant pour la cognoissance que culte du vray dieu, ont dés les premiers siecles accommode ces sept Planettes à leurs iours ou sens: Mais depuis que le temps a apporté de la diuersité & de la corruption en leur Religion, c'a esté lors qu'ils ont plus haut esleué ces Planettes, & recherché les Grees, premiers qui ont recogneu leurs facultez & influences, & qui leurs ont imposé les noms. Les Autheurs qui ont composé le Thalmud en la 1. Partie nommee *Ordre des Semences*, au 6. Traité appellé *מסכת פכומית*, *Massechet scemith*, c'est à dire *Traicté du sept*, les ont fort accommodez à leurs misteres: Le R. Abraham Aben-Ezra en son commentaire sur ce liure, faict symboliser les 10. Sephirots, Hebrieux, & les 10.

Spheres celestes au 10. commandemens de la Loy, dont le premier, qui montre la tres-simple vnit   du P  RE, qui est comme le baze & fondement de tout.

Je suis le Seigneur ton Dieu, qui t'ay retir   hors d'Egypte de la maison de Seruitude : Tu n'auras autre Dieu que moy. Se rapporte    la dixiesme Sphere immobile, comme soustenant le Throsne de Dieu, *C  lum sedes mea est, & terra scabell   pedum meorum*, en Esaye 66. qui de l   meut le premier mobile, & c  sequemment tout le reste, *Gaudent omnes mouente Patre*, dit S. Denys en sa Hierarchie, parlant des Intelligences qui estant me  es, meuuent les Spheres & les corps celestes, o   elles president; tellement que Trismegiste definist dieu estre vn cercle, dont le centre est par tout, & la circonference nulle, par ce qu'il est tout appertement represent   par ces deux notes de chiffre (sel   mesme les Rabins en leur Ghematrie) qui sont 10. 1. fait sans le zero, vaut vn, qui est vn point indiuisible, ou le centre qui est par tout: car il n'y a nombre o   l'vnit   ne se puisse trouuer, d'autant qu'ils partent tous d'elle, & ne sont autre chose qu'un amoncellement d'vnitez enfil  es les vnes aux autres, & le 0. ou zero, qui est rond en fa  on circulaire, est dit comme n'estre en aucun lieu, parce que de soy il ne fait rien: parquoy il se rapporte    l'Enfoph non finy ou infiny.

Le 2. commandement; *Tu ne feras aucune image ny semblance de tout ce qui est   s cieux en haut, ou en bas en la terre, ou souz les eaux pour l'adorer.* [du nom Pesel] Ce commandement c  uient    la 9. Sphere, & premier mobile, qui meut & rait avec soy toutes les au-

tres subiacentes en 24. heures: & au Fils qui est le premier mouuement de toutes choses, procedant du Pere immobile, il me souuient à se propos de ce que dit Boëce,

Terrarum cœlique Sator, qui tempus ab æuo,

Ire iubes, stabiliſque manens das cuncta moueri.

Lequel Fils a bāny & extirpé toutes les Idolatries du monde, là où son Euangile portee & annoncée.

Le 3. commandement. *Tu ne prendras point le nom du Seigneur ton Dieu en vain: car le Seigneur ne tiendra pour innocent celuy qui le prendra en vain*, A la huitiesme Sphere où sont toutes les Estoiles fixes, & le Zodiaque avec les 12. signes, qui sont de nostre Science, & puis il y a les 48. principaux astres figurees, comme on les void en Hyrginus, & en plusieurs autres Astrologues.

Le 4. commandement. *Souuienne toy de sanctifier le iour du Sabbat*, A la sphere de Saturne (qui nous est representee par le doigt Mitācier) Laquelle sphere ou planette est infauſte, maligne & nuisible. Dōt Moyle iugeoit ne se deuoir rien entreprendre ne faire ce iour là, ains demeurer du tout en repos, & vacquer au seruice diuin. Parce qu'il preside à la premiere heure du samedi, qui commence au soir à la nuit, comme faict Mars à la dernière, qui est pernicious aussi de sa part. Et cela ne se rencontre en pas vne des autres iournees: pour raison de quoy le Zoar & autres cabalistes alleguent, que les malins esprits ont plus de puissance de nuire, en toutes les quatriesmes & septiesmes nuits, auxquelles ces deux planettes president qu'en autres nuits de la sepmaine.

Le 5. commandement. *Honore ton pere & ta me-*

re, afin que tes iours te soient prolongez sur la terre, Est attribué à la sphere de Iupiter qui est beneuole, & represente la paix, amour, pieté & clemence: ainsi que fait la sphere de numeration, *chesed*, & le nom diuin **ה** lequel luy est attribué.

Le 6. commandement, *Tu ne tueras point*, est attribué à Mars le dieu de la guerre & des meurtres.

Le 7. *Tu ne paillarderas point*, A Venus suyuant l'opiniō des Brachmanes & Gimnosophistes, pour ce quelle respond à la numeration, *Nesach*, ou Victoire: nous representant la victoire que deuous auoir sur nos concupiscences.

Le 8. commandement, *Tu ne desroberas point*, Est donné au Soleil, lequel rauist & substraict, & desrobe à toutes les estoilles leur clairté & lumiere, qu'il esteint & offusque.

Le 9. commandement, *Tu ne porteras faux tesmoignage contre ton prochain*, Est dedié à Mercure, comme patron de toute subtilité & tricherie, barat, dol, deception & fraude.

Le 10. commandement, *Tu ne conuoiteras point la femme de ton prochain, ny la maison, son serf, son bœuf, n'y autre chose de sa substance*, Ce dernier commandement se refere à la Lune, la plus basse de tous les corps cœlestes, ainsi que la conuoitise est la plus infime & abiecte passiō de nostre ame, & qui nous auilist le plus. Voila pour les Iuifs; pour nostre Theologie, l'on pose ces sept Planettes pour les dons du S. Esprit: pour les sept petitions de l'oraison dominicale: les douze signes du Zodiaque aux 12. articles du Symbole, & de rechef les 7. planettes sont accommodez aux sept Chandeliers de l'Apocalypse, où l'homme viuant chemine au

milieu d'iceux, & ceste doctrine est de Rupert & S. Cyprien au Sermon de la Pentecoste, qui moralise doctement sur le nombre septenaire. C'est assez pour nostre Theologie Euangelique: qui voudra voir quelque chose de rare sur ce nombre Septenaire, voye ce qu'en a escrit H. Cor. Agrip. au 2. de sa Philosophie occulte, où finissant son discours, il dit, *Denique hic numerus & in bono & in malo omnium est potentissimus.* Et Linus ancien poëte Latin, disoit de ce nombre.

*Septima cum venit lux, cuncta absolueræ cepit,
Omnipotens pater, atque bonis est septima: & ipsa
Est etiam rerum cunctarum septima origo.
Septima prima eadem perfecta, & septima septem,
Vnde etiam cælum stellis errantibus altum,
Voluitur, & circulis totidem circum vndiq; fertur.*

Les Egyptiens, Arabes, & Mages, Caldeens en leurs sciences occultes, leurs ont attribué des Anges, Intelligences, nombres & Esprits, tant aux planettes que signes du Zodiaque. Voyons comme aux arts liberaux ils ont accommodé. En la dialectique les dix orbes celestes, sont appropriées aux dix catégories, ou predicaments qui sont ainsi accommodés; l'Essence à la sphere immobile, la substance à la 1. sphere mobile: la qualité à la 8. sphere: la quantité à Saturne, la Relation à Jupiter: la situation ou assiete à Mars: l'Agent au Soleil: le patient à Venus: l'habitude à Mercure, & les cinq predicaments qui regardent tout le contenu qui est souz la concavité de la Lune luy sont dédiées: ainsi ces catégories & predicaments s'accommodent aux planettes & cieux. Pour la Musique les tōs & voix, ils sont aussi appropriées, & pour

& pour l'appropriement, vous le voirez en ces vers extraicts de la Galliade, ou la Reuolution des Arts & sciences de ce docte Guy le Feure de la Boderie.

*Or la suite de voix, où l'Estence du vent,
Par marches & degrez ne paruiet plus auant,
Que iusques au Septiesme : & Dieu qui tout dispose,
Fait qu'au nombre de Sept presque tout se repose.
Mais des hommes diuers ja dès les siecles vieux,
L'aduis fut différent quant aux sept voix des cieux.
Les vns ont estimé qu'au grand ciel de Saturne,
Se faict la grosse voix & presque taciturne,
Comme l'Vt le plus bas : le Ré vn peu plus haut
Se faict au ciel d'apres : puis le Mi faict vn saut
En la Sphere de Mars, & le Fa qui s'auance
Sonne au Ciel où Phœbus demene en rond sa dance.
Et par ce que Venus & Mercure ont leurs cours
Parfait presque d'un tēps, & presque en mesme iours.
Quelques vns ont pensé que le Sol s'y entonne,
Et qu'en mesme vnison deux fois il y resonne:
Et que le La, qui est le plus haut esleué,
Demeure au Ciel Lunaire enclos & enclaué.*

L'Alchimie a aussi part : car sept metaux principes de ceste science sont donnez aux sept Planettes, comme le plomb à Saturne, le cuiure à Iupiter, le fer à Mars, l'or au Soleil, l'estain à Venus, le vif argent à Mercure, l'argent à la Lune, & des caracteres d'iceux planettes en font leurs secrettes escritures. Ce que l'Abbé Trithême en sa Poligraphie liure 5. en fait ces plus occultes secrets. Moÿse ordonna mesme entre ces ceremonies vn chandelier qui estoit d'or fondu & non massé qui

pesoit cent mines, qui estoit selon les Hebreux 70. Cinchares: & Moyse l'auoit composé (comme dit Iosephe) selon les Mathematiciens qui diuisent les planettes, & le Soleil auoir sept branches diuisées. Nume Pompile aussi institua douze Prestres Saliens en l'honneur de Mars: ils portoient le iour de leur feste à chacun vn bouclier dont l'vn desquels on disoit estre donné du Ciel: il y auoit aussi sept Flamines, ce tout institué en l'imitation des Hebreux. Mais pour sortir de ceste digression: voyons comme les Anatomistes les accommodent aux membres des corps, se conformant aux Astrologues.

Les sept Planettes.

☉	Le Soleil		La Teste.
☾	La Lune		Le bras dextre.
♀	Venus		Le bras senestre.
♃	Iupiter		L'Estomach.
♂	Mars		Les Testicules.
☿	Mercure		Le pied droit.
♄	Saturne		Le pied senestre.

Ou bien selon les cercles de H. C. Agrip. Mars la teste: Venus le bras dextre: Iupiter le senestre: Mars l'estomach, qui est le centre du corps humain: Luna les Testicules: Mercure le pied dextre: Saturne le senestre.

Pour la domination des douze signes, est telle.

Gouverne

♈ Aries		La teste.
♉ Taurus		Le col.
♊ Gemini		Les bras & espaules.
♋ Cancer		La poictrine & le cœur.
♌ Leo		L'orifice de l'Estomach.
♍ Virgo		Le ventre.
♎ Libra		Les reins, & les fesses.
♏ Scorpius		Les parties honteuses.
♐ Sagitarius		Les cuisses.
♑ Capricornus		Les genoux.
♒ Aquarius		Les iambes.
♓ Pisces.		Les pieds.

Sur toutes ces sciences nostre Chiromencie les surpasse, aussi la Physionomentie ; Car vne au compris de la main, l'autre du visage, comprennent ce tout. C'est pourquoy afin de sonder ceste proposition, à ceux qui vouldroient nous demander : A quoy est necessaire les 7. Planettes, & 12. signes du Zodiaque en ceste science. Leur dire estre parties principales, car par la situation & assignation des lieux en la main, ou au visage, tant des Planettes que des Signes : nous reconnoissons les fortunes, ou infortunes qui peuvent arriuer, tant en la vie, amours, richesses, exploits militaires, aux sciences & arts, qu'aux negoces & trafic de marchandise, de mariage, ou autres accidens, dont ceste vie est tributaire. Aussi on reconnoist quand cela peut arriuer, & en qu'elle sai-

son & mois. Il faut noter que lors qu'il naist vne forme d'Estaille, ou demie croix sur vne de ces montagnes, S'il y a point vn des rayons de ceste Estaille, ou vn des traiçts & lignes de ceste demie-croix qui tendent sur l'vn des signes du Zodiaque, par nous imaginé en la main. Car où tendent la ligne de ceste demie-croix ou rayon de l'Estaille, sera au mois que signifie le signe que le malheur ou infortune doit arriuer. Ainsi de l'heur & bonne fortune qui nous est denotée par la croix ou ligne seule, ou ligne branchenée non en la summité : mais en son extremité basse. Ce qu'André Corue approuue & Indagine. Le Cardinal Alliacco nous rapporte sur le subiet la mort de Iules Cesar, dit, qu'il fut aduertty par Spurina Mathematicien, de se donner de garde des Calendes de Mars, voyāt en sa main fenestre vne demie-croix née en la pleine de Mars, donc l'extremité tendoit sur Aries, que nous posons proche de la Restrainte en l'enfleure au dessus d'icelle, qui nous represente le mois qui despend de ceste Planette: Ce iour des Calendes luy fut funeste pour n'auoir voulu receuoir les paroles de prediction de Spurina. Ainsi faut remarquer, il nous naist vne Estaille ou demie-croix sur le mont de Venus, donc quelque extremité tendent en Aries ou Taurus, indubitablemēt quelque infortune pour l'amour des femmes arriuera en ces mois à celuy qui aura telle chose en la main : ainsi si elles tendent en autres signes, ce seront en mesme mois. Si s'esleue en la plaine de Mars vne ligne seule, qui tende vers la montagne de Venus, & en Taurus ou Gemini, cela denote vne victoire qu'vn remportera.

pour vne Dame, soit en dueil ou autrement, mais si la ligne va cheoir par la montagne de Venus à Taurus, la Dame pourquoy s'entreprend ce combat sera paillarde & lubrique. Cecy est remarqué par Dictis de Crete aux combats d'entre Menelaüs & de Paris pour Heleine. De mesme celuy qui aura vne ligne souz la montagne de Iupiter qui tende en Gemini, Cancer, ou Pisces, indubitablement aux mois qui sont regis par ces signes, ils receuront honneurs pres les Rois & Princes, & ces mois leurs sont fortunés : mais au lieu d'une ligne s'il y a vne Estoille ou demie-croix, cela signifiera mal-heurs & disgraces des Grands & perte d'honneurs. Si sur la montagne de Saturne, s'il se trouue quelqu'une d'icelles marques, comme Estoille ou demie-croix qui tendent au Sagitaire ♎. ou ♏. garde en ces mois vne mort ignominieuse. Sur la montagne de Mercure, garde les trompeurs soit par vne abusive eloquence. Sur celle de Sol, garde pour les richesses, car icelles tendent en ♌. ou ♍. si les lignes sont droites tendantes vers Venus, cela signifie vn mariage riche, qui arriuera à celuy qui aura tel signe & ligne en la main, qui arriuera en ces mois gouvernez par iceux signes. Sur la montagne de la Lune il se paroist vne Estoille dont les rayons tendent en Capricorne ♑. redoute en se mois vne vehemente maladie & danger de mort, si elle tendent en ♏. qui est Octobre, garde vne demence d'esprit ou manie : si elle tend vers ♎. qui est Ianvier, garde vne melancholie qui porte au desespoir. Et que celuy a qui se trouuera telle Estoille ne se precipite aux eaux. C'est donc à quoy est necessaire

les signes du Zodiaque en ceste science, pour remarquer précisément le temps, la saison, & le mois, auxquels les fortunes ou infortunes peuuent arriuer, qui est vn des poincts plus particuliers qu'il faut sçauoir: afin que celuy qui sera aduertý preuienne le mal-heur qu'il luy seroit promis par ces marques.

LAQUELLE DES DEUX
maines est plus propre, pour les effects
de ceste science.

CHAP. IV.

IE veux imiter en ceste facile instruction, le Poëte Lycophon en sa promesse qui est

Ἀέξω τὰ πάντα ἰντερεῶς ἢ ἰσορῆς,

Ἀρχῆς ἀπ' ἀρχῆς : &c.

Car de promettre vne facilité & vne simple instruction & faire du contraire : est imiter ce Poëte, duquel l'obscurité est si grande, que S. Hierosime a confessé ingenuëment ne l'entendre. Mais pour fuir donc ceste faute avec succintes paroles & nuës, ie vous diray comme il faut proceder en la cognoissance de ceste science. Celuy qui voudra estre instruit, me pourroit demander laquelle des deux maines il faut prendre & recognoistre les lignes & marques, nous luy dirons & luy donnons pour vray & asseuré document que cest la Senestre, bien que l'on peut voir toutes

les deux, puisque en l'une la longueur des iours est recogneuë, & en l'autre les richesses & l'honneur, comme dict le sage. Mais où le Chiromentien doit poser le fondement de ses predictions, est à la Senestre, icelle tendante au cœur, & est regie de Iupiter & luy est dediée. Par ceste main, dit Auicenne, & le poux de ce bras, le Medecin doit recognoistre l'estat du malade, toutes les veines & lignes, tant de ceste main, que de ce bras, vont aux parties les plus nobles du corps, & particulièrement au cœur, qui est le lieu & siege de tous les desirs, affections, & concupiscences, d'où procedent les conceptions de toutes nos actions. Les Anatomistes, qui ont recogneu au corps humain 248. ou 309. selon Paré, os, & 520. muscles, qui l'ont diuisé & departie en sept, pour les sept planettes ont donné ceux de ceste main & du bras iusques sur le cœur a ceste planette iouiale, & Galien donne la raison de cela, disant que c'est en tant que le cœur, magazin & arsenac de la vie, que selon sa disposition les autres membres sont regis, & qu'il donne plus de notice des passions en ceste main, qu'en l'autre, luy estant plus proche. C'est pourquoy le Chiromentien, ou celuy qui veut cognoistre quelque chose en ceste science, posera du tout ces iugemens sur ceste main, qu'il regardera posément, & recognoistra la disposition des lignes, leurs affiettes, leurs accidens & couleurs, bien qu'il peut bien aussi regarder la dextre, & particulièrement la Restrainte qui est le lieu de vie, & d'où on recognoist les ans, & les maladies qui peuuent arriuer & en icelle main tu n'y rechercheras rien d'auantage.

CE QVI EST REQVIS DE ſçauoir au Chiromentien.

CHAP. V.

Hippocrate Prince de la Medecine dit, que le Medecin ne peut eſtre de tout point accōply en ſon art, qu'il n'aye la cognoiſſance de l'Aſtologie, de meſme ie diray du Chiromentien qu'il n'eſt parfait & accōply, s'il n'a l'art de la Phiſiognomie, laquelle Phiſiognomie eſt: *Scientia qua natura hominum ex aspectu corporis indicatur. & τοῦτο ὁ φυσιογνωμονεύειν, ex facie addiui-nare & per natura indicia cognoscere.* Ou autrement pour la faire entendre & définir apertement; c'eſt vne ſcience par laquelle on recognoiſt plaine-ment les conditions des hommes & leurs tempe-ramens, par les traictés & coniectures de leurs viſages. Elle conſiſte en deux choſes: c'eſt aſſauoir, complexion & compoſition du corps humain, qui declarent & monſtrent manifeſtement les choſes qui ſont en l'homme par dedans, par les ſignes extérieurs, comme par la couleur, par la ſtature, par la compoſition des membres & figures. Ces deux ſciences ſont tellement ioinctes & coadunés qu'elles ne marchēt l'vne ſans l'autre, & faiſant profeſſion de l'vne ſans la cognoiſſance de l'autre, c'eſt choſe inutile: ces ſciences ſont ioinctes enſemble, par les anciens meſme. Le Satyrique Iuuenal

*spatium lustrabit virumque
Metarum & sorteis ducet, frontemque, manumque
Præbebit sat crebrum, poppysma roganti.*

Et toutefois quand il depeint son Zoilie Næ-
uole, c'est par les mauuaises taches & signes de
son corps, & non de celles de la main : car il n'est
permis à tous Chiromentiens de voir les mains
d'un chacun : & disoit de ce Zoilus,

*tristis
Occurras fronte obducta, oeu Marsya victus,
Post.*

*cultus gravis, horrida sicca
Sylua comæ, nullus tota nitior in cûte, qualem
Præstabat calidi circumlita fascia visci,
Sed fuiticante pilo neglecta, & squalida crura.*

Et c.
Homere au 2. de l'Iliade, & au 18. de l'Odissee,
il décrit Therfite & Irus meschans & mesdisans,
par les linamens & composition de leurs corps.
En voila la description selon la traduction Salel
du premier.

*Car sembloit que Nature
Eust travaillé à forger sa laidure.
Il estoit loufche, & boiteux, & bossu,
La teste agüe, & le corps mal ossu,
Bien peu de poil, tres-longue & large oreille,
En somme laid, tant que c'estoit merueille.*

Pour le second il le depeint sans beauté, &
estoit grand & lasche, & tel que Lucian represen-
te ion Happelopin. Car la grandeur des corps di-
minuë le courage, ce dit Aristote, & l'ame fuit

l'habit du corps, c'est à dire les signes: Aussi au contraire se Poëte represente Achille & Vlysse d'une moyenne taille, & par consequent courageux.

Par la Physionomie les humeurs & l'interieur de l'ame se cognoist si veritablement, que Socrates Philosophe de probité, duquel l'Oracle à tesmoigné mesme icelle disant,

Ἀνὴρ ὁ ἀπ' πάντων Σωκράτης σοφώτατος. C.
 qu'il estoit le plus iuste des hommes, toutesfois décrit par sa Physionomie (par vn Philosophe entendu à icelle science) estre le plus ord & sale de tous les viuans, & totalement perdu par sa paillardise, & luxure. Ses Disciples s'en voulurent mocquer, & dirent qu'il auoit faulcement menty. Socrate les reprist & leur dit: Mes amis ces choses me sont naturellement venuës, mais i'ay corrigé les vices de ma nature, par la réigle de la raison: Voulant dire que les imperfections que nous auons de nature, peuuent estre amendées par la vertu, & que l'homme peut résister & contrarier en quelque façon contre la destinée: Lors qu'il est sage & qu'il attrempe son mauuais fatal par le syrop de la peine, ou vergongne future. Vne Histoire sur ce subiet, extraite du docte Pasquier en ces Recherches de la France, qu'il dit que du regne de Louis XII. le Duc de Nemours nepueu dudit Roy, estoit son Lieutenant general en tous les pays de delà les Monts: Comme il estoit en deliberation de liurer vne bataille à l'Espagnol, environ les iours de ceste bataille se trouua à Carpy avec la pluspart de ses Capitaines. Le Seigneur de ceste ville s'appelloit Albert Mirandula, tres-

ſçauant perſonnage couſin germain du grand Picus Mirandula: Ce Seigneur en l'entretien de ſe Prince & Capitaines, miſt en auant vn Aſtologue iudiciaire qu'il auoit, homme fort expert en ceſte ſcience, qui eſtoit pour lors aagé de ſoixante ans, lequel ſe rendoit admirable en ſes prediſtions: Lequel à la priere du Duc de Nemours fut enuoyé querir; auquel ſi toſt qu'il fut arriué ce Duc luy préſenta ſa main, & après pluſieurs paroles de curialité, luy dit qu'il donneroit la bataille contre le Vice-Roy de Naples, & les Eſpagnols, & qu'il remporteroit la victoire, mais il aduertit les Sieurs de la Paliffe & de Bayard de prendre garde à luy, car il y ſeroit tué à icelle bataille. Il diſt auſdits Sieurs le futur & tout ce qu'il leur arriueroit: particulièrement il dit à vn aduenturier nommé Iacquin Caumont, qui portoit vne Enſeigne aux bandes du Capitaine Molart, qu'il luy auoit fait quelque iniure, luy dit qu'il ſeroit pendu dans trois mois, ce qui arriua: Et à tous ceux à qui dit leur fortunes, arriuerent comme il auoit dit, & regardoit ſe qu'il faut noter au viſage & à la main, comme le dit le ſieur Paſquer, & toutesfois il ne regarda la main de Iacquin indigné contre luy, mais ſeulement par l'aſpect de ſon viſage. Ce que H. Sanurenda bon religieux, reuela les aduentures à Charles V I I I. Roy de France, auſſi par ſa Phyſionomie, & luy dit le ſuccez de ſon voyage & retour du Royaume de Naples, ce qui rendit ledit Sanurenda ſuſpect du Pape. C'eſt pourquoy ſans m'arreſter d'auantage à tous ces diſcours & hiſtoires que le Lecteur verra s'il luy plaift, dans les Autheurs cy alleguez: Mais diray

pour conclusion & pour m'acheminer promptement sans prolixité à mon Instruction, que nul ne peut bien rien prédire & iuger en la science Chiromentique sans la Physionomie. C'est pourquoy i'en donneray icy vn Epitome ou rabregé pour instruction, & estant nécessaire.

EPITOME OV RABREGE de la Physionomie.

CHAP. VI.

LEs Hebreux ont eu en recommandation ceste science de Physionomie, & l'escriture vous despeint & décrit la Physionomie de Iacob, Moysse, Dauid, Absalon, Ionathas & de plusieurs autres: Les Compilateurs du Talmud en ont fait vn traicté, tant de la Chiromentie que Physiognomie, nommé, מסכת ידים, *Massecheth Iadain*, c'est à dire, Le Traicté des mains: où là ils distinguent la Physiognomie de la Metoposcopia, qui n'est toutes fois vne parcelle de la Physiognomie, ce que les Grecs ont bien entendu disant, μετωπίσκοπος ἀπὸ τοῦ μετώπου καὶ ἐπισκοπεῖν. Science par laquelle on cognoist les choses futures, par le regard ou aspect du front. Ces Grecs comprenoient aussi Vmblicometrie, & plusieurs autres, mais pour la Physiognomie, ils la posent selon ceste figure.



Et pour la représenter plus naïfvement, le tout est posé en ceste maniere,

Le front,	{	Mars.
L'œil dextre,	{	Sol.
L'œil senestre,	{	Venus.
L'oreille dextre,	{	Iupiter.
L'oreille senestre,	{	Saturne.
Le nez,	{	Luna.
La bouche,	{	Mercure.

Et pour les signes du Zodiaque sur la face, ils sont ainsi attribuez, accommodez & posez.

♋ Cancer	⌈	au Front le <i>zenit</i>
♌ Leo	⌋	en la Sourcille dextre.
♍ Virgo	⌋	en la Iouë dextre.
♎ Libra	⌋	en l'Oreille dextre.
♏ Scorpis	⌋	
♐ Sagitarius	⌋	à l'œil dextre.
♑ Capricornus	⌋	au menton qui est le Nadir.
♒ Aquarius	⌋	à la Iouë fenestre.
♓ Pisces	⌋	en la Sourcille fenestre.
♈ Aries	⌋	à l'Oreille fenestre.
♉ Taurus	⌋	la Sourcille fenestre.
♊ Gemini	⌋	l'œil fenestre.

Ainsi les Grecs & Latins les ont ordonnez & constituez: mais pour abrèger voyons en les regles.

P O U R L E F R O N T.

1. Le front grandement esleué en rondeur est loüé, se rapportant aux autres dimensions de la teste, signifie l'homme liberal, ioyeux, traictable avec tous.
2. Le large sans rondeur, signifie l'homme colere, tenant de la planette qui est située, il est aussi fallacieux, comme estoit Vlysses.
3. Le front petit destroite partie, s'il est ridé ou refromné, & enfoncé en baissant, au milieu, c'est signe de cruauté, laquelle est ioincte avec deux bonnes vertus, c'est assauoir magnanimité, & fort entendement.
4. Le front sans poil ny ride, denote vn asseuré menteur.

5. Le front long grandement, & haut en rondeur, signifie estre simple, debile & tout innocent.

LES YEUX.

Les yeux nous donnent à cognoistre la bonté, ou mauuaistié des personnes, c'est pourquoy Homère appelle Minerue la fille aux yeux bleux, & Venus aux yeux noirs ἄγαν ἑλικάπιδα, pour représenter en l'une la prudence, & à l'autre la luxure. C'est pourquoy on donne l'œil fenestre à Venus: car s'il est brillant & prompt au mouvement des cillies aux femmes, grande auidité du mestier de Venus, & si celle femme est oliuiastre, ou iaunastre avec ses yeux noirs, comme est dite Venus de Hesiode, Ἀφροδίτη Ἀφροδίτης. Ny recherchez aucune pudicité.

1. Les yeux grands & gros, signifient l'homme paresseux, audacieux & menteur, & d'un esprit lourd & insipide.

2. Les yeux de diuerses couleurs, & principalement le dextre, qui est donné au Soleil, signifie & denote vn homme agité de diuerses passions & d'opinions, principalement en matiere de Religion, l'on dit que Michel Seruet les auoit tels.

3. Les yeux profonds & abscons en la teste, c'est à dire, cauez, denotent vn grand esprit, plain de doutes; s'ils sont verds, signifient vn sçanoir admirable, toutesfois accompagné de malice, luxure & enuie; s'ils sont roux, recognoist la nature du chat.

4. Les yeux fort eiminents & apparens de cou-

leurveronne, signifient estre homme simple, idiot & prodigue.

5. Les yeux aguz & bien regardants, & qui declinent posément leurs sourcils, denotent homme decepteur, secret & sans Loy.

6. Les yeux petits comme taupes ou porc, signifient debilité d'esprit & propre à faire vn cocu, credulle à tout ce quel'on luy dit.

7. Celuy qui a les yeux obliques & de trauers, donne en toy de garde, car de cent il ne s'en trouue peu de fidelles.

8. Les yeux qui s'emeuent grandement, & a tard regardants, mais agument toutesfois auecques la reclination de la chair des sourcils, signifient homme paresseux, infidelle & rioteux.

9. Les pires de tous sont les iaunatres, citrins & fards, & d'iceux donne roy garde, & de ceux qui guinent en parlant à toy : car ceux qui ont de tels yeux sont de double ame : & si c'est vne femme qui face cela de l'œil fenestre, garde toy pour la fidelité d'amour, & prens garde ou elle iette ces œillades.

D V I V G E M E N T D V N E Z.

Les Grecs ont appellé le nez *P^{ny}*, à cause que par iceluy fluent les excrements des ventricules du cerueau. C'est pourquoy nous le donnons à la Lune, comme estant plus proche de la terre, & par ces influences nous donne & fait euaporer mille exhalations ça bas,

— le Nez est la goutiere

Par

*Par qui les excrements de pesante matiere,
S'enacuent en bas, &c.*

dit du Bartas, la comparent à la Lune. Pour ces PrediCTIONS nous disons, le long nez estre d'un esprit vain & non conuenable au mestier de Venus: bien qu'il y a vn Prouerbe qui dise:

Ad formam nasi cognoscitur ad te lenani.

Sur lequel autrefois me donnant plaisir i'ay fait ce distique ou Epigârme en la loüange d'un de ces nez, à l'imitation de Martial:

Cui longus est, & pendulus nasus, viri

Pendentem habet longamque valde mentulam.

1. Les Perses ont grâdement estimé ceux qui ont eue le nez long & croche: Leur Roy Xerxes, selon les tesmoignages de Xenophon & de Plutarque, auoit le nez long: & iusques à present ils ne donnent leur Royauté à d'autres qu'à ces lōgs nez, & les longs nez sont hereditaires en la race de Syach Ysmaïl Sophy, & se plaisent à ces longs nez comme les Ameriquains ou Brisiliens, auoir le nez camus, estant (comme ils estiment) vne des parties de la beauté.

2. Quand le nez est camus, il denote l'homme estre impetueux, vain, mensonger & grandement paillard, tost croyant à autrui. Si la fille est camuse & qu'elle aye les yeux noirs & estincelants, croy, selon le dire d'Euripide, qu'elle n'est pas pucelle: De ceste Physionomie pour les trouuer pucelles, il les faut prendre au berceau.

3. Qui a le nez gros, de toutes parties long &

pendant, il est conuoiteux de toutes choses belles, simple en ses biens, en ses maux sage, & secret: mais il est moqueur des actions d'autrui & Satyrique. Tel estoit Horace, comme dit Perse, ainsi qu'il le décrit en ces vers,

*Omne vaser vitium videnti Flaccus amico
Tangit, & admissus circum praeordia ludit
Callidus excusso populum suspendere naso.*

4. L'homme qui a le nez au milieu esleué, & se baïsse & decline à sa summité est variable, de cruelle fortune, & douteux de ses plus proches. Louis XI. l'auoit tel comme nous le représente Commynes.

5. Quand le nez est tors, & courbe, & longuet, signifie vn homme superbe, enuieux & addonné au vin, seducteur, glorieux: La fin de celuy ou de celle qui a tel nez, n'est iamais bonne, mais est menacée de Iustice.

6. Le nez fort rond és extremittez & avec petites narines signifie & denote l'homme estre orgueilleux, trop croyant, fidelle, & vain. Et la femme qui a tel nez, est impudique & meschante.

7. Le nez qui est de sa qualité rouge, signifie l'homme estre hepaticque, & de gros nourrissement & esprit, qui n'est pas amateur de tisarie, mais est propre à faire vn Sergent, s'il l'a a demy plombé, & entrelacé de rouge vaines, il aura vne foïf inextinguible ayant le foye chaud, & sera fort subiet à vne maladie dite morphée.

8. Le nez qui est gros conuenablement de toutes parts, & dessus plain avec des verus & rouge,

signifie vn homme ioyeux & pacifique, lequel n'est iamais sans soif: Il est propre à faire vn Bacchus pour trinquer à tous moments, ou bien vne Menades Prestresse de Bacchus. Ces hommes ont esté tenus bons gautiers par César, & n'auoit deffuy de tels personages, comme non malicieux.

9. Celuy qui a le nez à la pointe ou dessus vn peu velu, & a du poil dessus, signifie l'homme estre du tout simple, d'où vient l'Adage. Il est bon homme, il a le nez pelu.

10. La femme qui a le nez treti, comme dit vn Poëte,

Nez rondement longuet d'un porfil delectable:

Outre que c'est vne des perfections de la beauté, denote la femme ou fille estre sage, prudente & chaste, & particulièrement quand elle a l'œil bleu. Pour finir ce chapitre, il faut noter ceste cognoissance & secret, extraict de la Magie naturelle de Iean Baptiste Porta Neapolitain, duquel parle aussi Indagine; que pour cognoistre si vn ieune fils ou fille sont corrompus en leur corps, qu'il faut sçauoir (cela estant principalement cogneu par le nez) si le cartilage qui est au bout du nez se permet trancher, ou qu'il soit séparé de l'os, c'est signe que l'enfant est corrompu & la fille aussi: Cela se peut aussi recognoistre pour la fille à la veine qui est sur le front, dite *Preparata*.

DE LA BOUCHE, DES Oreilles, & de la Face en general.

CHAP. VII.

LA Bouche est vne partie de grand vſage: c'eſt la voye principale de la nourriture du corps, commune & publique pour fournir à l'eſtomach ce qu'il diſtribue dextrement aux autres membres, c'eſt en ſomme comme dit Galien, le premier principe de l'aliment. Et comme par bouillir & roſtir, on prepare ce qui entre en la bouche: auſſi la bouche appreſte ce qui entre en l'eſtomach: car il commence deſia à ſe faire quelque cuiſſon des viandes en la bouche, laquelle change manifeſtement les viandes, & leur donne comme le premier feu, ſans toutesſois les transformer en perfection. D'auantage la bouche eſt le principe du ſouffle & de la reſpiration: en tant qu'elle hume, attire & reçoit dedans ſoy l'air qui monte puis apres partie au cerueau, partie deſcend par les poulmons au cœur.

La bouche eſt principale organe de la voix.

La bouche ſert à purger le cerueau & l'eſtomach & les autres parties adiacentes.

Mais ſans m'arreſter à louianger d'auantage la bouche, laiſſant cela à vn Anatomiſte, & n'eſtant de mon ſubiet: Traictons des prediſtions d'icelle.

DE LA BOUCHE.

1. Doncques l'homme qui a la bouche grande & large, denote qu'il est sans honte, grand ba-uard & menfonger, grand porteur de fausses nou-velles, grandement fol, impudent, toutefois cou-rageux, mais perfide : Les noirs y sont subiets, approchant de la nature des Æthiopiens. Inda-gine & Corue disent, qu'ils ne furēt jamais trom-pez en ce signe.

2. Au contraire, la petite bouche signifie que l'hōme ou la femme est pacifique, fidelle, timide, eloquent, plain de sagesse & doctrine, & peu mangeant: ou l'autre est grand gourmand. On dit que le grand gourmand Apicius estoit tel.

3. Ceux qui ont les leures grosses (car il faut qu'ils marchent avec la bouche, estant vne des parties) signifient l'homme plus simple que sage, qui croit legerement tout ce que l'on luy dit, & est excessif en toutes choses : Et les femmes sont voraces & subiettes au vin, & par consequent à luxure.

4. Ceux qui ont les leures subtiles, petites, & deliées, sont elquents, grands jaseurs, plains de prouidence ayant bon esprit : Et ceux qui ont les leures bien colorées & vn peu grosses, cela leur signifie qu'ils sont fidelles & addonnez à toute vertu fuyans le vice.

5. Qui a vne leure plus grosse que l'autre, deno-te & demonstre l'homme estre sans esprit, tard à comprendre, & plustost addonné en follie que sagesse. C'est assez discoursi de la bouche, trai-ctons des Oreilles, seconde partie de ce chapitre.

DES OREILLES.

Les Oreilles sont les organes & instrumens du sens auditif, composées de cuir, de peu de chair, de cartilages, veines, arteres & nerfs: pliées & tortillées sans aucune incommodité, pource qu'elles obeissent à ce qu'on met dessus: Ce qui eust esté incommode, si elles eussent esté oiseuses. Ceux qui voudront sçavoir d'avantage pour l'Anatomie, lisent Paré & Corter, ie me contenteray de cecy, n'estant mon subiet en ceste simple instruction; mais seulement ie diray ces quatre reigles nécessaires à nostre science Physionomique.

1. Les grandes & grosses Oreilles, signifient que l'homme est simple, tenât de la nature de l'Asne, telles que les auoit Midas Roy de Phrygie. Il est gros d'esprit, paresseux de mauuaise memoire.

2. Les Oreilles petites, denotent l'esprit bon, il faut prendre garde que ne soit pas de ces oreilles qui petites sont difformes, qui arriuent aux hommes aussi bien qu'aux moutons, que l'on appelle pour ceste raison Mounets: Car telles oreilles signifient toute meschanceté & malice.

3. Mais pour ceux qui les ont bien proportionnées, demonstre auoir bon entendement, sapience, discretion, honnesteté, honte, & courage.

4. Ceux qui ont les Oreilles aucunement longues, sont audacieux, sans vergongne, non sçauants, gourmands & paillards. Voila tout ce qui se peut recognoistre pour les Oreilles. Parlons pour conclusion de ce chapitre de la face en general.

DE LA FACE.

1. La face grandement charnuë, signifie homme timide, ioyeux, large, discret, luxurieux, bien loyal à autrui, d'importune volonté, mais promptueux.
2. La face qui est maigre, signifie homme estre sage, de bon entendement, plus cruel que misericordieux.
3. La face ronde & fort diminuee, denote l'homme estre simple, debile, & mauuaise memoire.
4. Qui a la face longue & maigre est audacieux & en faict, & en paroles, il est rioteux, iniurieux & luxurieux.
5. Qui a la face large & espesse, il est lourd d'esprit & glorieux.
6. Celuy qui a la face passe en couleur, est mal sain & a opilation de ratelle.
7. Celuy qu'il l'a vermeille est bon, sage & capable de toutes bonnes choses.
8. Celuy qu'il l'a blanche, feminine, molle, & froide, il est mol & effeminé, ceste couleur est fort seante aux femmes : car ils sont de bonne nature, mais aptes aux masses.
9. La couleur rouge de la face, demonstre (selon le prouerbe) chaude complexion.
10. La couleur violette, ou plombée, signifie l'homme meschant & Saturnien, qui ne faict que machiner trahisons & entreprises pernicieuses, telle l'auoit Brute & Cassie, & aussi Neron. C'est assez de cecy parlons des humeurs.

DES QUATRE HVMEVRS ou temperamens de l'homme.

CHAPITRE VIII.

LES Hebreux portez en de profondes meditations en leur Ghematric, attribuent choses hautes & secrettes au quartenaire, ce que Pythagore, qui auoit vn peu succé le laiçt de leur eschole, auoit remarqué ce nombre, comme tres mysterieux, l'appellant *Tetractyn*, & leur plus grand & solemnel serment estoit par iceluy nombre, comme il se void en ces vers,

*Iuro ego per sanctum pura tibi mente Quaternum
Æternæ fontem naturæ animique parentem.*

Or la raison pourquoy les Hebreux veneroient ce nombre, estoit en l'occasion que Dieu s'estoit apparu a eux en ce nom יְהוָה, quadrilette, lequel a esté tant veneré, que nulle nation ne la voulu traduire en son idiome ny langue naturelle, sans luy donner quatre lettres, pour correspondre aux Hebraïques, comme les Égyptiens, Arabes, Perses, Mages, Mahumetistes, Grecs, Tusces, Latins, François, Italiens, Espagnols. &c. C'est assauoir en ceste sorte, THEVT, ALLA, SIRE, ORSI, ABDI, ΘΕΟΣ, ESAR, DEVS, DIEV, DIOS, &c. Aux quatre lettres du nom de DIEV, les Mecrobalites Hebreux comprenoient cetout, tant le monde

monde Celeste, qu'Elementaire, & au secret de leur Ghematrie posoient ainsi leur table.

	Iod,	He,	Vau,	He,
	י	ה	ו	ה
<i>Monde Elemen- taire.</i>	אש le Feu,	רוח l'Air,	מים l'Eau,	עבר la Terre,
<i>Monde Celeste.</i>	מיכאל Michael,	רפאל Raphael,	גבריאל Gabriel,	אוריאל Vriel,
<i>Monde Rabregé.</i>	Cholere,	Sang,	Pituite,	Melan- cholie.

Ces mondes ainsi posez, nous représentent ce que pourrions rechercher pour le plus secret d'iceux: Car ce grand monde dit des Grecs *μεγακόσμος*, composé de ce premier nombre, est des quatre Elemens: Le second selon le R. Ioseph des quatre Anges principaux: Et le troisieme monde, des quatre temperamens ou humeurs qui composent ce Microcosme ou petit monde (qui est le corps humain.)

1. Donc d'icelles complexions nous en tirons pour la cognoissance Physionomique, que l'humeur chaude ou cholerique, dessèche l'homme, n'empesche son accroissement, mais sans force corporelle, & triste en presque toutes ses actions.
2. L'humeur sanguine ou aérienne, fait croistre.

le corps avec vne beauté de face & graisse: n'a changement en ses infortunes.

3. La complexion humide, ou selon la nature de l'eau ou pituite, fait les corps mols & de petite force, ils sont paoureux & timides: Ils ne dorment profondement, mais sont esucillez à la gailardise.

4. L'humeur melancholique, fait que le corps croist tard, mais l'esprit grandement: & sont ces hommes dignes de grandes speculations, (sans fidelité toutefois) car de tels hommes ne pensent en la verité, quand ils pensent faire plaisir à leurs plus obligez, mais à ce qu'ils ont imaginé. Je n'en diray d'avantage pour la Physionomie, ces regles cy dessus dites, estant assez capables à qui voudra comprendre cet Art, sans vne plus longue instruction: & que le desireux d'apprendre les lise. Et poursuivant nos regles, parlons de la Clinométié.

DES PREDICTIONS *des mains en general.*

CHAP. IX.

VOUS avez recogneu cy dessus les sept lignes de la main correspondantes aux sept montagnes, ou sept Planettes: Il faut sçavoir du present les iugemens qu'il en faut tirer, afin que la prolixité n'apporte ennuy à personne, & que facilement chacun en soit instruit: Et commencerons à la Restrainte.

1. Quand il y a quatre lignes à la Restrainte semblables & bien colorées, elles signifient que celuy qui a telles lignes, viuera iusques en l'aage de 80. ou 100. années: mais s'il se trouue deux petits rameaux dessus faisant vn anglet agu, cela denotte que l'homme succedera à vn heritage par la mort d'autrui; & en sa vieillesse il sera érige aux honneurs selon sa capacité, il sera fort dispos & sain.
2. Quand il n'y aura que trois lignes en la Restrainte, & qui seront superieures & larges, c'est 60. ans pour la vie, mais abondante en biens en ieunesse, & en cet aage paureté. Si la premiere ligne est espesse, la seconde subtile, & la tierce petite, cela demonstre & fait recognoistre, que le premier aage la richesse; la secōde la diminution; la tierce augmentation.
3. Quand il n'y a que deux lignes, c'est la vie terminée à 50. ans pour le plus, avec maladies.
4. En auoir vne, est & signifie vne mort prochaine: Mais quand la premiere ligne de la Restrainte est tortueuse, & les autres ensuiuant es sont continuës avec vn droit angle & continué; sera demonstré de la debilité aux choses temporelles.
5. Si vous trouuez les lignes esparées en la Restrainte, elles representent l'homme de peu d'esprit, mais assez de courage, qui viuera iusques à 40. ans pour le plus.
6. Si celuy auquel en sa Restrainte il sera trouué des trauerses, garde la Iustice.

LA LIGNE DE VIE.

1. Lors que la ligne de vie sera bien disposée par bonne proportion & de bonne couleur, bien res-

pondante à la Restrainte : cela assure d'une vie longue & assurée ; mais il faut noter s'il se trouve quelque Estaille dont les rayons tendās soient sur la montagne de Venus, de Iupiter, ou de Mars, &c. signifie une infortune à celui qui a telle marque ou Estaille ; soit d'amour ou de l'honneur, ou en la guerre, &c. Et faut prendre garde en quel mois cela pourra arriuer, par les signes du Zodiaque posez en la main.

2. Celuy à qui se trouuera une double ligne de vie, il se peut assurer de longues années, & fort fortunées, qu'il sera en l'affection des Roys & Princes : Et si un Roy ou Prince à telle ligne de vie, qui s'assure d'aller à la guerre hardiment, car il sera victorieux sans aucune infortune, & accroistera son Royaume & pays par la force & vertu.

3. Si c'est une femme, qu'elle s'assure de fortune, & qu'elle sera grandement aimée de son mary ; si elle est impudique, les grands l'aimeront ardemment. Lays & Flora auoient celle ligne semblable.

4. Quand sera la main un peu espessée au faix d'icelle, & puis apres estedue, elle signifiera l'homme muable & de mauuaise vie, s'il n'est aydé du triangle de Mars, & selon la bonté ou malice du triangle, ie tiens la vie en lice. Celuy qui aura ceste ligne de vie linide ou blesme, qui est comme couleur de plomb, demonstre une fureur qui fera abreger la vie : si elle est grandement rouge presente une vie temperée. Prends garde aux croix, lignes, ou estoilles, qui se rencontrent en ceste ligne, & te souuiens de leur signification, le

cœur gouverne ceste ligne & respond en la veine Basilique. Si se fermant entre les monts de Venus & de Iupiter; il y a des rameaux; c'est signe de perfection, de richesses en sa vie avec honneurs: mais s'il se trouue vne estoille, garde les maladies, & principalement au vieil aage. Prends garde le long de ceste ligne s'il n'y a point de lignes trauesantes, car sont infortunes.

Bref ceste ligne ne signifie & par icelle nous ne pouuons rien apprendre que pour la vie & salongueur, & dure avec la Restrainte.

1. Toutefois curieux, remarque encore ces deux regles, qui sont tres veritables: La premiere, Quand trois estoilles seront trouuées dedans ceste ligne, elles signifient que l'homme sera calomnié & vituperé, à cause des femmes, & odieux aux grands.

2. S'il se trouue des croix, il sera aymé des femmes, & fera fortune avec icelles, mais en danger de sa vie que luy causera ce deduit.

LA LIGNE MENSAL.

Les Latins appellent vne table *Mensa*, de laquelle diétion ceste ligne est nommée: & aussi que nous appellons table l'espace qui est entre ceste ligne & la moyenne, naturelle. Ceste ligne respond au chef avec la moyenne. Au chef est le magasin des sens & perfections de l'homme, comme la fantaisie, le sens commun, l'imagination, la cogitatieue, estimatiue & memoire: Il faut sçauoir que de ceste ligne nous tirons vne partie de nos iugemens. Comme si elle est estenduë outre

la moitié de la montagne de Iupiter, c'est signe d'un esprit violent & vehement. Il faut noter & remarquer qu'en icelle ligne, despend vne moitié de toute nostre Chiromence, & la raison que ceste ligne suit le long des quatre montagnes: car si sur icelle se trouue vne estoille, soit sur Iupiter, Saturne, Sol, & Mercure, se sont infortunes; en Iupiter aux richesses, en Saturne pour la santé, en Sol en l'honneur, en Mercure pour les sciences, s'il se trouue vne croix c'est vne bonne fortune tout de mesme.

1. Celuy qui a ceste ligne Menfale large & bien colorée, il est ioyeux & fort de courage, mais le tout procedera de peu d'esprit.
2. S'il se trouue en ceste ligne des croix vers le doigt oriculaire, cela signifie que la mort suit celuy qui a telle croix.
3. Quiconque a en ceste ligne des lignes trauerfantes, il peut s'asseurer d'autant d'afflictions ou maladies qui prouiendront; mais si c'est vn ieune fils ou fille, ce sera par l'amour. Si ces lignes ou incisions sont du costé du doigt moyen, cela signifie l'homme flateur, & qui sera trompé en sa flaterie pour son inconstance. Si ceste ligne passe outre le doigt demonstratif ou indice, cela demonstre felicité; mais si elle ne passe, garde la paureté; & à la femme la desbaüche portée de volupté.

LA LIGNE MOYENNE.

1. Ceste ligne moyenne naturelle respond au chef comme l'autre, mais celuy qui aura en icelle des

croix, il se peut affeurer qu'il sera fortuné en richesses, mais sera grand menteur, & vn vray torrent de sottes paroles, toutefois blandissantes. Autant de lignes qui seront entre la Mensale & ceste ligne, autant de maladies sont signées au premier aage, mais elles ne seront pas mortelles. Et quāt les lignes finissantes pres le doigt moyen, elles signifient que ces maladies viendront en la seconde aage. Si elles vont iusques au doigt indice, elles signifient que ces maladies viendront en la vieillesse, & à la premiere, garde la mort. Si en vne d'icelles se trouue vne demie-croix ou qu'elle soit branchuë, s'il y a vn rameau qui vienne de la Mensale & qu'il la trauese allant vers le doigt indice, & l'autre vers le moyen, & sera moufle & obtuse, elle demonstre & fait voir l'homme estre de fortune, & qu'il acquerra par son propre labeur.

2. Quād la ligne de la Vie & la Mensale sont conioinctes & font vn anglet, & la Moyenne n'est trouuée, l'homme sera cruel de courage & bestial, & luy sera eminent le peril de la mort, iusques au trentiesme an de son aage, & aura discord avec son pere ou mere, ou avec sa femme; il est menacé aussi de desespoir, & si au lieu de ceste ligne Moyenne il a quelque estoille, garde iceluy le gibet: cecy est recogneu.

3. Lors que ceste ligne sera entretranchée & discontinuée, & que aucunes fentes l'entretrancheront, homme fuyra les Princes & Seigneurs & leurs seruitude, & souffrira le peril de perdre la vie, quand icelles lignes seront passes.

4. Quand tu trouueras aucunes fentes saillantes

de la ligne oriculaire & soient de bonne couleur, elles signifient battures, & bleffures & prisons.

Pour la ligne de l'Eftomach nous n'en parlerōs d'auantage, car elle fe refere à celle de Vie.

D E S M A I N S.

Mais pour les prediſtions generalles des mains, nous dirons, eſtant les miroers de l'ame & des affections, ce qu'il nous en ſemble ſuccinctement, mais avec toute verité.

1. Si tu trouue des lignes en la ſūmité des doigts, garde d'eſtre noyé & ſubmergé en l'eau, & prēds garde en quel doigt, pour ſçauoir le mois que te pouroit arriuer ceſte infortune, afin de la preuoir.

2. Si tu trouue deux lignes ſouz la ioincture du poulce, cela denote de grands heritages & poſſeſſions, mais ſ'il n'y a qu'une ſeule ligne; c'eſt ſigne de peu de biens de fortune. Si elles ſont ces lignes grandes & apparentes, homme qui les aura telles, bien qu'il tiendra avec debats & proees.

3. Si l'on trouue entre les ioinctures du poulce deux lignes eſtenduës & bien vnies, l'homme ſera ioüeur, mais à cauſe du ieu, il ſera en danger de la mort: mais ſi elles ſont diſ-iointes ou flexueuſes & tortuës, il ſera ſubiet aux larrōs & eſtre volé.

4. Si tu rencontre la main qui aye deux lignes avec elle conioinctes par dedans ſoubs la derniere ioincture du poulce, c'eſt vn ſigne du danger de l'eauë: mais ſi elles ſont paſſes, ce denotte auoir eſté en la puerilité, ou aduiendra tard: mais ſi elles ſont par dehors, elles menaceront de dommage fait par feu.

5. La femme qui a des lignes en la racine du poulce sur la montagne de Venus, autant de lignes autant d'enfans qu'elle aura : si sont au costé dehors, autant d'hommes qui la cognoistront ou qu'elle espousera.

6. Si tu trouue le premier article du poulce, qui aye vne ligne à luy adherant par dedans de la partie du doigt indice, tel qui l'a ainsi sera pendu : Et d'autant plus que ladite ligne represente, descendra de la Mensale : mais si ladite ligne est vnue par dehors & non par dedans, c'est signe de perdre la teste ; & si elle enuironne tout autour, l'homme sera pendu.

7. Quand la ligne Mensale est courbée, & chet entre le doigt moyen & l'indice, elle signifie effusion de sang, comme nous auons dit.

8. Quand tu trouueras le mont du poulce dit & de lignes trauerfantes de la ligne de Vie à iceluy, celuy qui a telle chose est luxurieux, & pour ceste cause, il sera en haine de ses parens & superieurs : Mais lors que tu trouueras deux lignes pres de l'ongle belles & apparentes, elles signifient abondance de biens temporels.

9. La montagne de Venus enflée & haute en la main d'aucun, signifie luxure & impudicité.

10. Si tu trouue la main qui aye vne fente ou fendasse avec trois petits rameaux, l'homme qui l'a ainsi sera en hayne des grands, mais il sera grand dissimulateur ; c'est pourquoy il ne les craindra peu.

11. Si tu trouue la ligne de Vie séparée ou diuisée par la moitié ; c'est que l'homme sera blessé par glaiue en son corps.

12. Quand tu trouueras la femme qui aye la paulme de la main briefue & les doigts longs; c'est signe qu'elle enfantera avec douleurs & difficulté, & la cause, que les parties necessaires sont petites, car s'en est la figure.

13. Quand tu trouueras la main vn peu longue, & les doigts vn peu espais; c'est signe que l'homme fera lent, tardif, paresseux & de flegmatique complexion, toutefois bon & tres modeste.

14. Lors que tu trouueras la paulme de la main longue, & les doigts de loüable proportion, & non mols au touchement, mais plustost durs, celui qui aura telle main sera ingenieux, mais variable & addonné au larcin, & vicieux.

15. Si tu trouue aucun qui aye la main concaue, solide & bien ioincte des articles; c'est signe de longue vie: mais accompagnée de mauuaistié, demonstre vne brefueté de vie.

16. Celuy qui a la main à la quantité de tout le corps, & les doigts trop cours, & espais & gras aux fins d'iceux; cela demonstre estre larron, insidiateur & de tout mal remply, parangon de vice plus il aura les doigts remplis en leur summité.

17. Quand la paulme de la main sera plus longue que sa vraye proportion, & les doigts plus gros, d'autant qu'ils sont plus brieufs; c'est à dire que l'homme est paresseux, negligent, fol, & superbe, & d'autant plus si la main a la percussion plus large.

18. Celuy qui a les mains longues & grandes; cela denotte qu'il est liberal, bon, astut & de grand esprit & de bon conseil, & à ses amis tres-fidelle.

19. Celuy qui a la main plus briefue qu'il ne doibt

selon la proportion des autres membres est signe d'un grand parleur, & qu'il est gourmand insatiable, iniurieux, & critique des faits d'autrui.

20. Celuy qui a les doigts de la main tournez au do, il est iniuste, subtil, ingenieux, & plus il a les doigts ossus, comme arides, plus il est meschant & s'augmente en tout vice, estant ennemy de la vertu. Quand les lignes des ioinctures des articles seront semblables, donne toy garde de tels seruiteurs.

21. Celuy qui a les doigts grandement vnis & adherants, en sorte qu'en peine l'air puisse passer, c'est à noter qu'iceluy est curieux, & a grand soin de ses affaires.

22. Quand tu trouueras aucun qui a les doigts retors au plus haut des articles & tournez en arriere par ordre, comme icy apert, c'est signe d'enuieux. Indagine & Sauonarole, disent qu'il est enuieux : mais c'est de la vertu, & ennemy capital du vice.

23. Si tu trouues aucun, duquel les doigts soient dispers, & plus gros aux articles, & entre iceux articles soient graisses & secs, comme estant la chair substraiete, cela denotte pauüreté & misere, les hommes de ceste maniere sont grands parleurs & souffrent pauüreté pour estre trop sages.

24. Celuy qui a les doigts en sorte qu'il les frappe ensemblement, comme s'il vouloit frapper un tambour, c'est signe qu'il est variable en ses pensees & pense mal d'autrui.

25. Celuy qui en parlant avec autres gens est accoustumé a frapper des mains & ne s'en peut abstenir, il est imparfaict d'entendement, ayant l'es-

prit embroüillé d'affaires, qui luy rendent l'esprit confus.

26. Si tu trouues aucun qui tremble des mains modestement, quand il les tend pour prendre quelque chose, cela demonstre qu'il n'est pas cholere, autres ont ceste infirmité qui vient par l'abondance de Bacchus, c'est pourquoy il y faut prendre garde.

27. Quand on trouue vn homme, lequel quand il mange ouure la bouche, & la baïsse à la main ou a la viande qu'il tend, il est glouton & ennemy de tout le monde, & celuy qui en cet action tire son chapeau sur ces yeux, il est traistré & amateur de tout vice, & les sages le fuyent.

La dernière de ces regles est digne de remarque: car d'icelle despend la Chironomie ou science de la subtilité des mains: science fort necessaire à ceux qui font profession du jeu, donc j'ay bien voulu donner icy la figure, bien que ie ne m'arresteray point icy à l'esclaircir d'auantage, remettant ce subiet en mes Mathematiques diuines, ou ie feray voir tous les secrets de la Steganographie & plusieurs autres qui seront dignes d'estre admirez.

Voilà la figure Chironomique.



Mais selon la Chiromence, celuy qui chemine & qui tient ses mains fermées de ceste façon, mouuant les bras, il est impetueux, grand joueur, & s'il tient son poulce entre ses autres doigts, il est auaricieux, & ne veut viure que par rapine, grãdement addonné au ieu, qu'il prenne garde s'il se trouue entre les monts de Mars & de la Lune en sa main vne figure qui approche du caractere de Mercure, qu'il s'addonne hardiment au ieu: car il y sera fortuné, qu'il ne neglige pas toutefois ceste subtilité Chironomique par icelle ioincte à son inclination, il arriuera aux plus hautes richesses qui se peuvent acquerir par le jeu: Quelques superstitieux font donner des benedictions à telles figures: mais ie laisseray tout cela pour finir ce premier traicté.

Fin du traicté de la Chiromence.

G iij



QVE C'EST QVE LA
MEMOIRE ARTIFICIELLE,

O V

L'ART DE RAYMOND LULLE.

CHAPITRE I.



A memoire Artificielle, n'est autre chose qu'un art pour aider à la memoire naturelle : car sans l'une, l'autre ne peut subsister : peu profiteroit l'artifice, s'il n'y auoit du naturel ; mais le naturel porté a quelque science ou art, indubitablement l'artifice luy est grandement profitable, & par l'artifice on peut abreger ce que par un long tēps & prolix on acquiert, c'est en quoy c'est tra-
naillé grandement Raymond Lulle, homme d'ex-
quise erudition pour trouuer la perfection de cet
art bref, & memoire artificielle ; laquelle il a trou-
uée, toutefois nous l'a cachée sous Enigmes &
Amphibologies, afin que les doctes se donnas-
sent du loysir pour la cognoistre & l'acquerir,

mais recognoissant que cet art estoit necessaire à ceux qui font profession de faire sermons, harangues, plaidoyers, ou quelque trafic de marchandise, ie l'ay voulu esclaireir, & par la main ou Chiromence l'à faire cognoistre & faciliter si grandement, que le plus simple encliné en quelque chose s'y rendra parfait, par l'Alphabet qui comprend tous les autres que deuons nous imaginer en nostre main; comme il se void en la figure icy apres mise pour ceste instruction.


Il faut scauoir premierement, que les anciens curieux auant Raymond Lulle la diuisoient en deux, ou bien tachoient à l'acquerir en deux manieres: La premiere qui estoit fort perilleuse, qui estoit par medicaments & medecines qu'ils prenoient pour purger les plus grosses humeurs, & rendre leur esprit plus net, & par consequent plus propre à conceuoir toutes choses. La seconde methode qu'ils suiuoient, estoit plus apparente, qu'ils disoient auoir esté reuelée au sage Salomon par le grand Dieu, duquel l'Ecriture dit qu'il eut la cognoissance de L'ysope iusques au Cedre, c'est à dire, de toute science. De ceste science a'escrit vn Apollonius, duquel on void vn traicté inseré avec les œuvres de H. Cor. Agrip. remply d'oraisons, dont la pluspart sont formez de mots incogneus: Iceluy toute fois a touché presque à la verité; Car à la figure qu'il pose pour secret, au lieu d'employer מִיכָאֵל c. Michaël, s'il y eust employé le nom de dix lettres en ceste forme, il eust atteint la perfection.



Car ie diray sans rien desguiser, qu'icelle figure y est tres necessaire.

Ie trouue toutefois l'inuention plus facile par la Chiromence, ayant leu & releu Raymond Lulle & ceux qui l'ont voulu faciliter, comme H. C. Agrip. Iordanus, Brurius, Altedius, Lauinhetus; & plusieurs autres, puis qu'ils posent & fondent tout cet art en ces dix Lettres qui sont, A. B. C. D. E. F. G. H. I. K.

Ainsi les posons en la main, afin d'instruire.



LES LIEUX OÙ L'ON SE
doit imaginer estre posez ces Lettres.

CHAP. II.

Comme l'on voit en ceste figure cy dessus, où nous posons pour fondement de cet art A. au milieu de la main que nous appelons en Chiromence, la plaine de Mars, comme ceste lettre estant le base & fondement de ceste science où se refere les 9. autres lettres: ce qu'auoient remarqué les Rabins en se nom de Dieu de dix lettres, qui commence par vn Aleph, comme vous voyez en ceste figure cy dessus. Car de quelque matiere que ce soit de laquelle on veille trai-

ter, il le faut poser sur cet A. imaginé: & les definitions & distinctions sur les autres, cōme declarerons cy apres plus amplement. Le B. qui est la premiere lettre du cercle se pose sous le poulce en la montagne de φ . Le C. sous le doigt indice ou montagne de π . Le D. sous le doigt de h . Le E. sous le doigt de Sol \odot . F. sous le doigt de δ . Le G. au dessous sur la tranchee de la ligne mensale. H. sur le mont de Luna. I. en la racine de la ligne de vie, pres la Restrainte. Le K. sur le commencement du mont de Venus. Ainsi les ayant imaginez, conçois en ton esprit sur chasque lettre quelque point que tu desire traicter ou retenir,

POURQUOY CEST ART EST

appelle Bref.

CHAP. III.

RAymond Lulle homme consommé en toutes sciences & arts, pour ayder à la memoire naturelle inuenta cet art, pour abregger toutes les sciences, & les faire concevoir compendieusement à tous; rendre les hommes à vn moment experts à discourir d'icelles sciences & arts, & leur faire penetrer le plus secret de leurs principes, ce qu'ils ne pourroient acquerir par le labour & estude ordinaire par l'employ de toute leur vie, voire fut elle de quatre-vingts ans, toute leur estude n'en pourroit acquerir vne moi-

tié seulement, & y estre parfaits: Ce que cet art apprend auec facilité, voire rendra capable vn enfant de sept ans de former toute sorte d'argumēts. Ceux qui s'y sont versez & qui l'ont acquise, en ont monstté de merueilleux effectz. H. C. Agrip. l'a fait paroistre, bien qu'il s'en soit moqué comme des autres sciences: Mais il a fait ceste Declamation contre ces sciences & arts, pour faire cognoistre combien grande intelligence il auoit d'iceux; car auant que de les blasmer, il a dit merueille de chacune: cet esprit confit en toutes choses par cet Ironie, vouloit effacer le blasme que quelques mols & vains luy vouloient imputer.

Je suis fusché pour l'honneur du sieur Beaulieu Boni qui l'a offensé, luy & Ramus en l'Introduction de la Philosophie: car ceste offence ne se retorqué qu'à celuy qui veut offencer tels hommes.

La raison qu'il ne peut par ses blasmes esteindre leur renommée, ils sont immortels en la memoire des doctes; Mais la Philosophie dudit Beaulieu a esté plustost morte que née. Agrippa n'a gousté le premier ceste science, mais Simonide de Milet, & ce grand & sage Capitaine Themistocles, ils y ont esté grandement versez: Et en ces derniers siecles vn Pierre de Ranaie, François Petrarche, & Hermanus Buschius; & plus recentemente Iordanus Brunus qui ont fait merueille. Toutesfois l'on me demandera pourquoy Raymond Lulle a donné à ceste science le nom de l'Art bref? Il respond par la responce mesme au Prologue de cet Art succinctement en ces mots: *Vt ars magna facilius sciatur. Nam scira ista arte supra dicta, & etiam alia artes defacili possunt sciri & addisci.* Ce qui est

intelligible, car il n'y a science qui ne soit abrégée & donnée en la memoire; pourveu que celuy qui la veut acquerir y soit disposé par ces dix Lettres: car pour la Rhetorique, la définition est posée sur le B. Les parties sur le C. Les 30. regles sur le D. La Dialectique ou Logique. La Définition sur le B. Les dix Predicaments sur le C. Les trois figures des Syllogismes donc chaque figure à quatre manieres, deux concluanes vniuersellement, & deux cōcluanes particulièrement, qui se comprennent en ces vers: *Barbara Celarent, Darii, Ferio quater, Cesare, Casmistres, Festino, Baroco, Darapti, Felapton, &c.*

Tout cela ce met sur D. Les Sophismes Equiuoques, Amphibologes, ignorance de l'Elenche, Caption de l'antecedant, sur les autres lettres.

De l'Arithmetique: la définition sur le B. qui est vne science inuentee a nombrer plusieurs unittez. L'on met sa premiere reigle sur le C. qui est numeration. La 2. sur D. qui est Addition. La 3. sur E. qui est Substraction. La 4. sur F. qui est multiplication. La 5. sur G. qui est Division. La reigle de trois sur H. Sur I. Reduction de Fractions. Sur K. Algebre.

Pour la Geometrie, la Distinction sur A. le Triangle sur le B. Ainsi sur les autres ces autres Figures qui sont.

Quarré,	Enneagone,
Pentagone,	Decagone,
Hexagone,	Hendecagone,
Heptagone,	Dodecagone,
Octogone,	

La musique, la deffinition, ces six voix, huit tons, ses nuances, le tout compris en ces mots.

Ter terti sunt modi, quibus omnis cantilena con-
rexitur: scilicet unus sonus, Semitonium, Tonus, Se-
miditonus, Ditonus, Diatessaron, Diapente, Semito-
nium, cum Diapente: ad hac sonus Diapason.
 Ils se posent sur les lettres.

Astrologie deffinition sur A. & les dix parties de la Sphere, qui sont l'Æquinoctial, Zodiaque, Colures, Solstice, Colure. Æquinoctiale, Meridiën, Horizon, Tropique de Cancer, Tropique de Capricorne, Pole Arctique, Pole Antarctique, Les sept planettes & tout le compris des Estoilles recogneus 48. visages, qui contiennent 1022. ou 25. Estoilles auxquelles on a adiousté 14. autres, assauoir cinq nebuleuses, & neuf obscures.

Alchimie, les sept mineraux, les sept planettes à qui sont attribuez les sept sels, Armoniac, Commun, Nitre, Alicali, Salpestre, Gemme & de Roche, Calcination, Reduction, Fixion, Friction, Puluerisation, Sublimation, Elixion: ou selon Arnaud de Ville-neufue, le Corps, l'Atone, Azoch, Zernich, Chibrit, Adrop, Topum.

La Chirurgie, l'Anatomie, la Phlebotomie, les parties Ancharis, lesquelles sont, Mirach, Siphac, Zirbus, les os & autres parties.

La Medecine operatiue, l'Eau de vie, Eau potable, Eau d'Ironde, Eau valide, Eau dealbatiue, Eau conseruatiue, Eau duplicatiue, Eau

viuificatiue. Ainsi des autres arts & sciences, qu'il n'est besoin de mettre ny employer icy : car il faut dire en peu de mots que toutes ces sciences sont comprises en cent deffinitions : mais pour les abreger d'auantage, nous comprendrons tout ce qu'il se peut dire, & disputer en ces neuf lettres : comme il se void en ces tables que nous auons mises icy auant que d'entrer à la pratique & vſage de cet Art, qui sont telles.

QUESTIONS.

A	B	C	D	E	F
Affauoir mon ?	Qui ?	De- quoy ?	Pour- quoy ?	Quant ?	
Dieu,	Ange ?	Ciel,	l'Hom- me,	Imagi- natiue.	
Bonté,	Magni- tude.	Dura- tion.	Puissan- ce.	Sapien- ce.	

G	H	I	K
Quel ?	Quand ?	Ou ?	Com- ment ?
Sensiti- ue,	Vegeta- tiue.	Elemen- tatiue.	Instru- mētatiue
Appetit.	Vertu.	Verité.	Gloire.

ALPHABET PLUS

intelligible.

CHAP. IV.

L E B. signifie & représente ceste question premiere, Assauoir mon ? pour ses subiets, Dieu, Bonté, Difference, Iustice & Auarice.

C. Ceste cy, qui ? subiets, Ange, Magnitude, Concorde, Prudence & Gloutonnie.

D. Dequoy ? Ciel, Eternité, Contrariété, Force, & Luxure.

E. Pourquoi ? l'Homme, Puissance, Principe Temperance & Suberbité.

F. Quand ? Imagination, Sapience, Milieu, Foy & Paresse.

G. Quel ? Sensitiue, Appetit ou volonté, fin, Esperance, & Enuie.

H. Quand ? Vegetatiue, Vertu, Grandeur, Charité, & Ire.

I. Ou ? Elementaire, verité, Equalité, Patience & Mensonge.

COMME

COMME IL FAUT PRA- tiquier cet Art.


CHAP. V.

IL faut donc que celui qui veut pratiquer ceste science, apprenne premierement ces dix Lettres : mais que pour l'A qu'il le retienne pour principal, qu'il s'exerce à dire ces lettres: B. C. D. E. F. G. H. I. K. & les retrograder de K à B. & puis pour se rendre plus subtil au maniement de ces lettres, qu'il les manie & recite de ceste façon qui suit, vingt-quatre Cylindres.

BCD. CBD. DBC. BCD. CDB. DCB.
BBC. BBD. CCB. CCD. DDB. DDC. BCC.
EDD. CBB. CDD. DBB. DCC. BCB. BDB.
CBD. CDC. DBD. DCD.

Puis exercé au maniement de ces lettres, qu'il regarde ce qu'il veut proposer, & ainsi le pose; S'il veut traicter, le Predicateur, des Anges, son subiet doit estre mis sur l'A : lieu où doit estre posé & mis toute matiere de laquelle on veut discourir ou disputer. Entrer au B. à la deffinition comme premiere lettre du cercle posée sur le mont Venus : & aussi nul ne doit estre estimé capable de disputer, si entrant en question il ne definit ce qu'il veut disputer. *Debet à deffinitione proficisci, ut intelligatur, quid sit id, de quo disputetur,*

dit Ciceron. Au C. se doit mettre la distinction. Puis du subiet cy dessus proposé pour les Histoires pour le mesme subiet posé sur B. L'Histoire d'Abraham. Sur C. la conception de Samson. Sur D. l'Histoire de Helie. Sur E. les reuelations de Daniel. Sur F. les reuelations de Zacharie. Sur G. l'Annonciation de la Vierge. Sur H. la Resurrection de Iesus Christ, & les Anges qui apparurent aux femmes qui alloient pour luy donner le dernier des funerailles. Sur I. les Anges apparus le iour de l'Ascension. Sur k. l'Ange de l'Apocalypse. Si vous les multipliez, remettez sur le B. les Anges de Loth, celuy de Tobie, aux Actes celuy qui retire de la captiuité S. Pierre, & plusieurs autres Histoires, imaginez les vous, vous imaginant ces lettres & ceste figure de Multiplication.



Car remarquez que celui qui a cognoissance de l'Arihtmetique, conçoit, & cōprend les nombres retenus par autrui aussi facilement que celui qui est amateur de cet Art, peut concevoir, retenir & apprendre tout ce qu'il voudra sur ces dix lettres, mesme nombrer sans addition, sinon que du zero, & ainsi il se pose.

Quelqu'un conçoive en son esprit, d'avoir retenu vn de ces nombres, 1. 2. 3. 4. 5. 6. 7. 8. 9. 10. pour le demonstrier, toy qui le veux sçavoir, fais luy tripler le nombre qu'il a conceu: mettez en deux le triple. Mais si en la premiere meditation, le triple nombre est nompair, dequoy il se faut enquerir, dittes à celui qu'il face pair ou pareil par l'addition d'vnité, & puis qu'il le my-partisse.

De ceste addition vous prendrez vn, vous luy chargerez d'en faire autant, mais vous garderez 2. & puis luy direz qu'il oste 9. tant de fois qu'il pourra de son dernier nombre: & vous, nombrez autant de fois quatre, puis vous adiousterez si vous avez gardé quelque chose: comme quelqu'un ait pensé 7. le triple est 21. & adioustant vn se faict 22. la moitié est 11. qui triplent 33. & cela ne se peut my-partir, sinon adioustant vnité, ainsi se feroit 34. la moytié 17. recueillez icy 2. commandez luy ietter le 9. tant de fois qu'il pourra: mais pource que cela ne se peut faire qu'une fois, vous recueillerez 4. vous ne vous enquerrez du demeurant, si vous vous estiez gardé 3. ce qui ioinct avec 4. faict 7. Ainsi maniez ces lettres, multipliez les vous, sur le nombre de paroles que vous voulez mettre en avant. Prenez

le plaisir , premier de mettre sur chasque lettre des mots tels, pour s'accoustumer a exercer sa memoire.

B. Bonté, C. Charité, D. Deité, E. Ebriété, F. Fortune, G. Grandeur, H. Honneur, K. Katherine. Sçachez cela en allant & retrogradant, & les multipliez pour augmenter vostre memoire. B. Baïser, C. Ciel, D. Delecter, E. Edifier, F. Fort, G. Gloire, H. Horreur, I. Iesus, K. Katon : Et argumentez sur chacun des mots. La premiere figure, pour le B.

*Toute Bonté est louable ,
La Charité est vne Bonté ,
Par consequent , &c.*

A V T R E.

O

*Toute Vertu est louable ,
La Charité est vne vertu ,
Donc la Charité est louable.*

A V T R E.

*Toute chose Bonne est louable ,
Quelque Volupté n'est bonne ,
Donc quelque Volupté n'est louable.*

Ainsi des autres : Mais tous tes arguments doivent tousiours regarder ce subiect, duquel tu discours, qui est posé sur A. comme toy Predicateur, qui voudrois discourir des principes, ou du Principe, le pose sur A. en sa main & puis

sur le B. face cet argument, s'il y a quelque priorité en la diuinité, au C. face ce Sillogisme.


*Tout agent est premier que son patient,
Le pere est agent & le fils patient,
Donc, &c.*

Tellement trauaillant de ceste façon posant sur les autres lettres Histoires sur ce subiet, & ne delaisant en la memoire ces lettres principes de ceste nostre science, ils peuuent tout. Voire l'enfant aagé de sept ans, peut en vn moment par cet Art estre rendu capable & idoine en toutes sciences, pourueu que de soy il soit porté, & promets de faire qu'en cet aage, vn enfant demeurant quelque temps avec moy au plus dix iours, le faire argumenter & former syllogismes en bon Logicien sur quelque point que l'on luy voudra proposer: Car cet art icy fait des effects prodigieux à ceux qui avec ferueur l'embrassent. Que le Marchand aussi en face son profit & de la mesme façon, posant le subiet de son commerce sur ceste lettre A. & les dependances d'iceluy sur les autres lettres. Le souuenir d'icelles les remettant en tout ce qu'il aura à faire.

Lecteur studieux, ie te prie comprends ce mien petit traicté, & tu cognoistras l'vtilité de cet Art: Et louëras l'inuenteur premier d'iceluy, dont la memoire doit estre en toute eternité. S'il t'est agreable assure toy qu'en bref ie te donneray vn ample liure de toutes les Mathematiques diuines, où il te sera monstré les secrets de Cabale & Ghematrie des Iuifs; Et ce qui est de plus curieux aux

70 TRAICTE' DE LA MEM. ARTIF.
œuvres de tous ceux qui ont escrit de la Philoso-
phie occulte : receuez ces nottes pour erres &
me tenez pour vostre Amy.

*Fin du traicté de la memoire Artificielle,
ou, l'Art de Raymond Lulle.*



DISCOVERS
ASTROLOGIQUE
ET DESCRIPTION
GEOGRAPHIQUE ET
Topographique,

DV COMETE APPARU
*sur nostre Hemisphere le 27. Novembre
& defailli le 28. de Decembre l'An-
née derniere 1618.*

AVEC LES PREDICTIONS
d'iceluy, dont les euenemens d'iceux
seront espouventables.

Par M. JEAN BELOT Curé de Mil-monts,
Professeur és Mathematiques Diuines
& Celestes.



A PARIS,

Chez { NICOLAS ROVSSET } En l'Isle du
Et Palais, vis à vis
{ NICOLAS BOVRDIN } les Augustins.

M. DC. XIX.

AVEC PRIVILEGE DV ROY.



AV LECTEUR.



*E*ſſay que pendant les iours que c'eſt veu ce Comete (Amy Lecteur) pluſieurs gentils eſprits ont mis la main à la plume , & ont fait voir au iour quelques diſcours : Les vns pleins de conſolation pour aſſeurer ceux qui auoient conceu quelque treueur de cet aſpect : Les autres ont voulu traicter de ſes Prediſtions , mais ſi peu & hors de propos ſans cognoiſſance d'Aſtologie , que ie n'eſtime le tout eſtre rien pour contenter le deſir des eſprits ſages & pleins de ſoin d'un aduenir. C'eſt pourquoy ie ne laiſſe pour la diuerſité de ces eſcrits , de mettre la main à la plume pour donner ces nouuelles Centuries , faiſtes ſur chaque iour que ce Comete c'eſt veu , conforme aux Propheties des Saintes Hildegade & Brigide , leſquelles toutes deux ont eu reuelations , & ouy la voix (que les Hebreux ont nommée בתבול , c. filles de la voix) ſi hautement que Iean Tri-


theme Abbé, & Theodoric aussi Abbé, tous deux de l'ordre S. Benoist, ont parangonné la premiere à S. Iean l'Euangeliste, par ce que ainsi que luy, elle a entendu ceste voix; & ceste voix luy a dicté ces Propheties dont l'accomplissement se fait en ce siecle: Elles les ont escrives comme luy soubz certaines Images & figures en forme de Hieroglyphiques ou Enigmes; afin que tous n'eussent la cognoissance de ces Mysteres: comme estât la forme de ious les Prophetes Hebreux & des Oracles Grecs. Ce que j'ay voulu imiter en ses Predictions pour deux raisons. La premiere en imitant ces anciens Prophetes Hebreux, cacher souz figures ce qui peut estre cogneu appertement, afin qu'il ne soit pas permis à chacun de les interpreter à sa fantaisie: mais se rendant capables des choses intelligibles par l'illustration du S. Esprit qui nous fait voir clair au milieu des tenebres. Ainsi en parloit Platon: *Rerum sacrarum mylteria velanda esse, vt à Plebeculæ indignitate superentur. Et puis: Indignum prorsus ac fœdum esse, rerum occultarum mylteria populo aperiri, cùm ab hominum genere illa pollutis manibus contrectentur, quæ ab hominibus, tantùm Philosophiæ sacris initiatis tractari fas sit.* La seconde raison, c'est que souz ce regne, la verité pourroit engendrer aussi bien des ennemis que du temps de

Jeremie, Michée &c. Daniel comme vn des Voyans lequel n'auoit seulement le הלה & כד אור ne laissa pas souz figures représenter la naissance & decadences des quatre Empires souuerains. Ainsi Zachar e. S. Iean, & depuis Sainte Hildegrade: Et moy les suiuant sur vne mesme crainte: En te disant à Dieu (Amy L'Eleur) ie te dy mon excuse par ces Vers d'Horace,

— Quin etiam lex
Poenaque lata, malo quæ nolle Car-
mine quemquam

*Describi: vertère modum formidine
fustis.*

*Souuienne toy aussi de l'Histoire de Frere Hiero-
nyme Sauonarole, lisant Commynes tu apprendras
ce que c'est. A Dieu.*



L faut que ie traicte, auant que d'entrer en discours de nostre Comette, des impressions ignées qui diuersement se forment en l'air, afin de faciliter au Lecteur l'intelligence de leur generation. Les Phi-

losophes plus recens ont diuisé l'air en trois regions dont l'une est superficielle à la terre, l'autre est conioincte à la concavité du feu Elementaire, & l'autre est entre les deux. Or le propre de l'air est d'estre chaud & humide: mais sa qualité principale consiste en humidité & non en chaleur, laquelle par externes euenemens luy peut estre augmentée ou tollüe.

Suyuant ce, nous voyons que la region de l'air

voisine de la terre, est eschalouree par l'entremise des rayons lumineux du Soleil qui y donnent, & celle qui est voisine du feu elementaire, par le moyen de ce feu. Et au contraire celle du milieu est faicte le receptacle de toute froidure, des vapeurs & exhalations, qui sont continuellement esleuées de la terre & de l'eau, d'autant que la chaleur de la haute region & la chaleur de la basse, y font referer ceste froidure, & n'y peuvent atteindre pour l'aneantir.

Nous apprenons de la que la region haute & la region basse de l'air, sont principalement aptes aux impressions ignées, lesquelles y sont produictes sans aucune violence, par la chaleur qui y reside; & non en la moyenne region, si ce n'est par collision & conflict de contraires, qui causent le tonnerre & foudroyement.

Ausquelles sont opposément conuenâtes les exhalations & vapeurs. Car outre que les exhalations sont de matiere plus propre que les vapeurs, à conceuoir les impressions du feu, elles sont disposées d'ailleurs, a monter en la region haute de l'air: Ce que les vapeurs ne peuvent faire, ains sont arrestées en moyenne region, où estant, la froidure les congelle en nuées, à cause de leur excessiue humidité, & les fait recheoir en bas. Pour les exhalations il faut noter qu'ils ne peuvent s'esleuer plus haut que de deux ou trois milliaires par dessus la terre.

Disons doncques en general, que toutes les flâmes qui sans foudre & tonnerre apparoissent en l'air, par forme de Comettes, de Colomnes, de Lances, & autres figures, longues, larges, ou

rondes, sont engendrées par la chaleur en la region basse & haute de l'air, lors qu'elle y rencontre quelques exhalations propres a estre converties en telles, ou telles flammes.

Mais sur toutes autres impressions qui y sont produites: quelques Philosophes ont tenu que les Comettes y estoient principalement, & non formez au Ciel par la rencontre & conionction des rayons de deux planettes, ayant l'aspect l'une à l'autre, & le chef de ceste opinion a esté Aristote, lequel au 1. liure des Metheores c. 7. dit *Παρά πλῆσιον γὰρ τὸ γινόμενον, οἷον, εἰ τις εἰς τῆς ἀχέρων θημῆσ' αὖ πλῆθος ὥς τε δαλὸν, ἢ πρὸς ἀρχὴν ἐμβάλοι μικράν.* Que ces feux (vouloit-il dire) ont esté releguez par vne grasse exhalation, en la haute region de l'air, laquelle dès aussi tost qu'elle commence a defaillir, eux pareillement ne pouuant subsister sans elles, qui leur seruoit d'aliment, sont contraints à s'esteindre & dissiper. Mais telles raisons sont neantes & nulles, j'aime mieux en cest endroit confesser ingenuement nostre incapacité, que de proposer quelque chose pour asseurer temerairement & m'arrester en ses vaines opinions: Car tout ainsi que le vin n'est pas tousiours profitable aux malades, mais le plus souuent leur est tres-nuisible & pernicieux: dont il aduient qu'il est beaucoup meilleur de leur deffendre du tout, que sous esperance de quelque vtilité, qui est en doute, on laschast la bride à l'insolence de leur maladie, iusques à les mettre en danger de leur salut: de mesme il est beaucoup meilleur de laisser les curieux de choses vaines despourueuës de responce que

leur confirmer leurs folles opinions. Nous auons desia dit cy dessus, que les exhalations ne se peuvent esleuer plus haut que de deux ou trois milliares par dessus terre : mais on ne peut nier que les Comettes n'apparoissent en la plus haute region de l'air, qui est exempte de toute sorte d'expiration fuligineuse, & de l'odeur sulphurée, laquelle les autres feux laissent en leurs vestiges; on ne peut aussi nier, qu'ils ne soyent remarquables à tous les peuples qui viuent sous vn mesme Hemisphere : ce qui ne se pourroit faire s'ils n'estoient voisins à l'orbe de la Lune, duquel la plus petite distance au centre du monde à d'interualle 32. diametres de la terre, c'est à dire 122760. milliaires : & mesmes quelques Astronomes ont escript, que ce grand Comette qui apparut au mois de Nouembre 1573. estant au costé droict de Cassiopeia, n'auoit point eu de paralaxe, & qu'il appartenoit aux estoilles fixes ; ce qui est neantmoins faux : Car il ne s'ensuit pas, qu'il fust vne estoille fixe pour n'auoir point eu de paralaxe, ou de diuersité d'aspect, parce que la doctrine des Paralaxes est beaucoup deceuable, en tant que son visage ne se peut estendre par dessus l'estoille de Venus, de laquelle difference d'aspect est desia fort petite : & d'ailleurs ce Comette disparut dans cinquante iours (ce qui est rapporté par l'Histoire de ce temps là) ce qui n'aduiant aux estoilles fixes. Mais d'autant qu'il estoit immobile (selon la situation en l'astre de Cassiopeia, car il auoit son mouuement ordinaire par le premier mobile) & proche de nostre zenit, il a donné occasion à plusieurs de penser qu'il fust vne

estaille fixe, (comme on peut iuger de la nostre,) toutefois on peut iuger par là qu'il n'estoit pas fort loin de l'Orbe de la Lune, & qu'il estoit aduancoureur pour signifier les calamitez qui suruindrent si grandes & espouventables, que Cyprian Leonicius & Lulinus, osèrent remarquer quelque chose de grand en l'an 1588. car cet année fut le commencement de toutes miseres particulièrement en ce Royaume de France.

Les anciens aussi de tout temps, desquels la memoire s'estend fort loin vers la venerable antiquité. ont remarqué qu'il ne falloit point mespriser l'obseruation de ce que signifient les Comettes, outre ce qu'il s'en pourroit dire pour la cause naturelle, de laquelle opinion auroit esté Aristote, qui par son opinion encouroit vn nombre infiny d'autres plus grandes incommoditez : qu'il faut reciter auant que d'entrer aux Predictions de nostre Comette. Ils sont tels. Si nous concedons à Aristote que les expirations fumeuses s'esleuent iusques à la concauité de l'Orbe de la Lune, ce que toutefois ne se peut faire : car quel moyen y auroit-il que toutes les exhalations de l'air s'amoncelassent tout en vn globe, afin de repaistre vn si grand feu? Ou si les expirations sont esparses par tout l'air, pourquoy ne seront aussi espars çà & là les Cometes? Mais nous les voyons plustost en Esté, lors qu'il fait si grand ardeur & secheresse, que peu s'en faut que l'air ne s'allume de toutes parts, par les expirations qui s'esleuent iusques à ce que tout à coup la matiere estât consummée il vienne à s'esteindre : Et pourtant on ne voit pas que tout ce feu s'amoncele en vn

globe. D'auantage, si vn Comette s'engendre de l'expiration, pourquoy est-ce que celuy qui est appellé en Astrologie Iouial, se monstre en l'air avec vne si grande clairté & pureté de sa lumiere; & l'autre lequel ils appellent Saturnien, avec vne obscurité meslée de couleur passe tirant sur le bleu; comme de mesme le Mercurial est cornu: Le Martial enflammé & fort terrible à veoir: celuy de Venus avec vne longue perruque. C'est pourquoy quelques vns ont estimé qu'il n'y auoit que l'vne des sept planettes qui deuint Comette Paligene dict.

*Illos stella facit de septem errantibus vna;
Dum sibi subiecto radios impressa vaporibus,
Assimulat caudam, lumenque in nube relinquit.*

Or puisque ces exhalations n'ont qu'vne mesme matiere, ils n'ont donc qu'vne mesme Hypostase. On tient aussi que le Comete de Venus ce porte par tout le Zodiaque vn tel se vist l'année 1470. aux Ides de Ianuier: Mais comment pourroyent ils aller d'Orient en Occident avec vne telle constance, comme il y a esté veu à celuy qui apparust au mois d'Octobre 1577. qui ne peult par aucun vent ny orage estre dissipé, si leur matiere est vne exhalation, puisque Aristote soustient que les vents en sont excitez, ce qui est faux. Pourquoy aussi verrions nous les Comettes en Hyuer (comme nous auons veu la nostre) voire plustost qu'en Esté, puis qu'alors il y a peu d'expirations, & encoi fort debiles, estant retenus de la terre, qui est glacée par la froidure? Pourquoy
aussi

aussi les verroit-on plüstoſt du coſté de Septentrion que de Midy? Ou pourquoy auroyent-ils tant de diuerſitez les vnes avec les autres & chacun d'eux, avec le reſte des figures flambantes, comme le Crineux avec le Barbu, & celui, qui eſt fait en lame d'eſpée, avec ces deux icy, puis que les exhalations n'ont point de figure? Pourquoy auſſi ſeroient diſſemblables les vns des autres, le Tonneau, la Torche, le Foſſé-cornu, le Dragon, la Lance, & vn nombre preſque infiny d'autres telles figures, qui ſont toutes différentes, non ſeulement à celle-cy, mais auſſi entre elles meſmes, veuë la precedente raiſon? Veut auſſi qu'un Comete peut quelque fois eſgaler en grandeur la troiſieſme ou quatrieſme partie de la terre, comme a fait le noſtre, qui a eſté veu plus de deux milles lieuës. Iuſtin, rapporte qu'au temps que Mitridates naſquit, il y en auoit vn qui couuroit vne quatrieſme partie de la venë du Ciel, & obſcurciſſoit quaſi, ez lieux où il reſpon-
doit, la lumiere du Soleil. Ainſi celui qui apparut trois mois durant en l'année 1314. Et vn autre l'année 1337. Et vn autre l'année 1472. qui fut pouſſé d'une telle viteſſe par tout le Zodiaque, qu'il paracheua preſque ſa courſe dans vn mois, l'ayant commencée au ſigne de Libra, & de la pourſuyuant ſon train faiſoit au commencement 40. degrez chacun iour, puis ſur la fin 120. Item vn autre qui apparut tout le mois d'Aouſt & de Septembre en l'année 1556. Ceſtuy-cy tint ſa courſe de l'Equateur vers la petite Ourſe, ayant ſa ſplendeur d'une claieté fort apparante, & qui eſtoit bien ſi grande que ie ne di-

ray pas, que les expirations, qui sont si seiches & legeres, eussent peu satisfaire à l'aliment, qui luy eust esté nécessaire pour deux mois, ausquels il continua sa lumiere: mais aussi les forests, qui sont par tout le monde, ne luy eussent peu suffire. Combien que i'aye passé sous silence le Comette, qui apparut du temps de l'Empire de Neron, qui dura six mois entiers, ainsi que là escrit Seneque en ses questions naturelles. Iosephe, a aussi escrit en son liure de la guerre des Iuifs, qu'il en apparust vn autre, qui flamba vn an entier sur le Temple de Hierusalem, auparauant la ruine dudit temple & ville, ayant la figure d'vn glaive: qui en vouldra voir vne infinité d'autres apparus de temps en temps lize la Meteorologie de Garceus & Lycosthenes en son recueil de *Prodigijs*. Mais quel aliment pourroit suffire a si grands feux? Plusieurs petits Sophistes se sont hazardez de dire que le Soleil & les autres astres se nourrissoient des exhalations, laquelle chose estant digne de risée n'est pas pour cela plus digne d'estre mocquée que les precedentes touchant les Comettes. Car Posidonius prenoit son argument de là, que tout le monde deuoit estre consommé par feu, d'autant qu'il pensoit, que l'humidité seroit finalement consommée, laquelle estoit aliment des Astres.

Auant que de discourir de nostre Comette ie resoudray deux questions qui ont esté pieça faites & qu'on me pourroit encore faire. La premiere sçauoir si la queue des Comettes est tousiours de l'autre costé du Soleil, laquelle chose estant ainsi, le Comette ne pourra estre vn embrase-

ment, ny vne hypostase de feu, mais plustost vne apparence de Pyramide, qui s'est ainsi façonnée par la concurrence des rayons du Soleil, & de l'opposition d'un corps plus espais que l'air. La seconde, d'autant qu'on a remarqué de toute antiquité, comme dit Ciceron au 2. liure *De natura Deorum*. Et Pline au 2. liure de son Histoire naturelle; que les Comettes sont messagers, avant coureurs ou de famine, ou de peste, & autres maladies populaires; ou de guerres Civiles (ce qui n'aduiant par les expirations, qui se sont allumées) l'aduis de Democrite ne seroit-il pas vray semblable, par lequel il entend comme il a laissé couché par escrit, que les Comettes s'en retournent finalement en estoilles fixes?

A la premiere ie respond que l'on remarque cela aux Comettes Orientaux (comme l'on a veu à la nostre aux premiers iours qu'elle s'est apparue) & a ceux qui ne se bougent d'une place: mais cela ne se void plus aux restes des autres Comettes: Car on a asseurement obserué, que le Comette crespelu ou cheuelu (comme l'on le voudra appeller) iette par derriere soy sa queue ou sa perruque, ne plus ne moins qu'une torche iette sa flamme en arriere, quand celuy qui la porte, court viste en auant, ou quand sans se bouger il la leue en haut: car ainsi la flamme s'esgarguille, comme des rayons, ou comme vne barbe qui pend du menton en bas: de mesme est-il d'un Comette s'il se porté d'Orient en Occident; car ainsi sa perruque se trouue deuers l'Orient (bien qu'il s'est veu du contraire au nostre, mais c'est par un mystere secret, ce qu'il n'estoit au Comette qui ap-

parust l'année 1577. au mois d'Octobre, & qui estoit rai avec grande force par le cours du premier mobile : Mais celuy qui apparust l'année 1556. au mois d'Aoust tenoit sa route du Midy au Septétrion ayāt les cheueux retrouſſez vers le Midy. De là on peut entendre que l'opinion est faulſſe de quelques vns, qui pensent que le Comette soit vne apparence pluſtoſt qu'une vraye Hypoſtaſe; auſſi de ceux, qui ne pensent pas que la nature soit autre que celle du reste des impressions flam-bantes en l'air, qui tout à coup apparoissent & tout à coup ſe retirent du regard des hommes.

A la deuxiesme question, nous respondons à Democrite que cela est probable, & ſi toutesſois il n'est pas neceſſaire, & me ſemble probable en cela, d'autant que les anciens ont obſervé que les Comettes venoient & s'en retournoient ſans aucune generation ou corruption, ainſi que Plin réſmoigne : c'est à dire, que les Comettes ne s'esteignoient non plus que les autres Astres : mais que peu à peu ils ſe retiroient de noſtre veüë : mais cela ne ſe peut faire, ſi nous ne confeſſons, que les Comettes s'eſleuent peu à peu en haut, inſques à ce que ſ'eſtant retirés au firmament avec les autres eſtoilles ; nous les perdions de veüë, toutesſois ceſte raiſon n'est pas neceſſaire, par ce, qu'il ſe peut faire, qu'ils periſſent totalement puis que nous ne voyons pas que le nombre des eſtoilles ſ'augmente par leur venuë ; mais il ſe pourroit auſſi bien faire qu'à cauſe de leur extreme hauteur on ne les peut voir non plus que les petites eſtoilles.

Sur l'aduiſ de Democrite, pluſieurs ont penſé

que les Comettes soient les ames des hommes illustres (laquelle opinion à touché Plutarque en son traicté du defaut des Oracles.) Lesquelles apres auoir demeuré vn nombre infiny d'années sur la terre , sont finalement reduites à l'extremité commune des autres choses qui ont eu naissance, & qui prennent fin. Et on tire de cet aduis que estant conuertis en Comettes, que c'estoit leur dernier triomphe de leur vie bien-heureuse, & s'en retournoient au Ciel estoillé cōme des astres reluisans: C'est de là qu'ils ont pensé que vient la famine, les maladies populaires, & les guerres ciuiles, comme si les peuples, les Royaumes, & citez estoient abandonnées de leurs Gouverneurs & bons Capitaines, qui souloient appaiser par leurs presences la fureur de la Majesté Diuine. Pour moy ie ne vouldois contre cet opinion rien temerairement asseurer ny adiouster foy à l'aduis des autres touchāt vne chose tant esgarée de l'entendement des hommes, & laquelle pour sa hauteur ne peut facilement estre atteinte de leur iugement: Quant à moy il me suffit d'auoir monstré par argumens tres certains & propres pour faire necessairement condescendre à mon opinion les autres: que les Comettes ne sont point exhalations ausquelles la flamme soit prinse; Lesquels si ainsi estoit, s'engendreroient plustost aupres de la terre où il y a plus grāde quantité d'exhalations qu'en la plus haute region de l'air, là où ny les vapeurs, ny les exhalations ne peuuent penetrer; Car si tant estoit que les expirations s'esleuassent iusques là, comme ils disent, ce ne seroit qu'une cause naturelle qui ne pourroit pas apporter la

guerre, ny la sterilité, ny les maladies. Car tout ce qui est naturel ne contredit point au bien de la Nature. Aussi ces Comettes sont supernaturelles & prodigieuses; ils nous causent par consequent ça bas des effects merueilleux & espouventables, & peu ne se sont apparues qu'il n'en soit sorty des effects merueilleux. Les euenements ne les suivent le plus souuent pas si tost, car celuy qui les fait paroistre, sa vengeance vient à pieds de laine & ne chastie aussi tost qu'on a offensé. Ce n'est vne opinion nouuelle que ces Comettes & autres prodiges sont avant-coureurs de miseres qui aduiennent aux hommes, l'antiquité la tenuë pour ferme: on en veoit mille Histoires & exemples en Tite Liue, Suetone, &c. & l'Ecriture sainte mesme. Le Poëte Lucain dit auoir veu de tels prodiges auant les guerres ciuiles & en est tres-certain. Voila ces vers que ie vous donne François.

*Alors le Ciel estoit par des astres nouveaux
De toutes pars ardent comme par des flambeaux,
Qui du Pôle azuré chassoient la nuit obscure:
Les torches s'ennoloient sous l'oblique ceinture
Du Ciel, qui courroucé aux hommes se monstroist,
D'autre part vne peur, l'autre peur rencontroit
De voir les longs cheueux aux astres apparostre,
Et les Comette en l'air, qui souuent fait cognoistre
Aux affaires publics vn triste euenement,
Et aux sceptres des Roys vn nouveau changement.*
Mais auant que d'entrer en la description de nostre Comette, ie reciteray les vers de nostre Cothurne François Robert Garnier, pour aduertissement aux Roys & Princes de preuoir leurs

mal-heurs & afflictions qui les talonnent lors que s'apparoissent tels Comettes, & que c'est particulierement eux qu'ils menacent. Ce Poëte parloit à Henry III. Roy de France & de Pologne. Voila ces vers & sa fureur Poëtique.

*Les Roys enfans du Ciel, sont de Dieu les images;
Iupiter en prend cure, & les garde d'outrage,
Il les fait reuerer, reputant les honneurs.
Estre à luy-mesme faits, qu'on rend à ses Seigneurs,
Quand ils ont quelquesfois les ames trop cruelles,
Outrageant leurs subiets qui ne leur sont rebelles.
Bien qu'espris de tolere, il les fait à tous coups
Par signes aduertir de son ardent courroux,
Il trouble l'air de vents, d'esclairs, & de tonnerre,
Il fait enfler les mers, il fait trembler la terre,
Fait pallir du Soleil le grand front lumineux,
Où dans le Ciel attache vn Comete crineux:
Afin qu'espouuantez de sa dure menace,
Ils amendent leur vic & reconurent sa grace,
Tant il leur est clement, & tant plus volontiers,
Il vange les forfaits des Monarques fautiers.*

LA DESCRIPTION DV Comette & sa naissance.

NOstre Comette duquel nous voulons discourir, s'apparut vn Mardy au matin 27. iour de Nouembre, iour dernier de la pleine Lune d'Octobre, à son premier leuer, au lieu où elle a esté formée qui fut au 28. de degré de Ge-

mini proche de deux degrez de Cancer: Ce matin qu'elle se leua, i'estois sur les pieds l'attédanta, yāt eu reuelation & cognoissance de son apparution par l'Astrologie (c'est ce qui ma fait estonner que nul de nos Attrologues ne l'auoient remarqué en leurs Ephemerides:) A son leuer ie le consideré & recogneus qu'il prenoit sa naissance proche la voye Lactée, & d'abord ie croyois que c'estoit vne des estoilles de Porcyon, ou du petit Chien, de qui les pieds sont sur ceste voye Lactée, selon Hyginus: mais considerant son cours, ie le consideré monter iusques au 27. degré de nostre Cancer, & se venir coucher en l'Occident avec les autres estoilles fixes. La nuit ensuiuant il quitte Porcyon & s'accompagne de la sagette, ainsi des autres estoilles Meridionales, iusques ayant son branle & cours porté au Septentrion où il c'est leué au derniers iours de son apparution, tantost proche du Dragon, tātost aupres des Boëtes, &c. Ayant premierement aux iours premiers de son apparition la queuë tournée vers l'Occident, depuis estant au Nord il l'auoit vers l'Espagne, & en forme pour lors d'un fer d'un espieu, ou bien d'une lozange: Il a regné cinquante iours & a esté veu trente cinq nuits: Les autres quinze n'a esté veu l'air estant obscurcy de nuages & de pluyes, ausquelles nuits qu'il a esté veu, ie n'ay manqué de le voir pour considerer sa nature quel estoit son mouuement qui a esté si rapide qu'en ces cinquante iours il a fait le cours de la terre, tantost leué des 10. heures du soir puis à 11. puis à 12. mais son ordinaire à 4. heures du matin, ceste varieté ma fait recognoistre qu'il

qu'il estoit ambassade de merueilleux secrets de la Diuinité, ce fut pourquoy de la premiere il fut veu apres l'auoir d'un œil curieux considéré, ie priay le Pere des lumieres de me faire comprendre selon mon fresse pouuoir qui en seroient les effects, qui sortiroient de ce Comette. Toutes les nuits qu'il se voyoit, & moy estant retiré en mon estude, sur chaque signe auquel il entroit, ie faisois vn quatrain ou centurie, tant par l'Astrologie qu'autre inspiration, lesquelles compilez apres sa disparition, i'ay bien voulu faire part au public, & les illustrer d'anciennes propheties, ce qui ma fait rechercher le Talmud Babylonien, les Propheties des Sainctes Hildegrade & Brigide, Merlin & autres, mais entre toutes, celle de Hildegrade vierge pieuse, qui regnoit il y a enuiron 400. ans sous l'Empire de Henry, elle estoit de la haute Allemagne & de bonne extraction, qui des premiers iours de son adolescence fut inspiree de Dieu. Il n'est hors de propos de reciter icy la cause de son inspiration diuine, & comme les Propheties luy furent reuelez, estant vn subiect de nos centuries. Le venerable Tritheme Abbé dict ces mots parlant de ceste sainte Vierge, Ceste bonne fille ne scauoit lire, ny escrire, mais vne nuit comme elle vacquoit en meditation, ayant son esprit abstraict hors son corps, elle eust vne vision du Ciel, qui luy commenda d'escrire tout ce qu'elle verroit & qui luy seroit dit. Elle remplit d'estonnement d'ouir telles parolles & iustion, ne sachant ny lire, ny escrire, communiqua ceste vision à vn pieux & saint Religieux, qui luy conseilla luy ayant reuelé les excez de son ra-

uiffement, d'obeir à icelle vifion, ou autrement qu'elle en pourroit courir plus grãde peine. Alors elle mit la main à la plume pour efcrire, & tout incontinent elle recupera la fanté & conualefcence; Or de ce temps Eugene Pape faifoit feiour à Treues, peu de temps apres la celebration du Concile de Rheims. L'Euefque de Mayence fuyuant le confeil des plus Doctes & aduifez de fon Clergé, furent d'aduis de donner aduertiffement au Pape des vifions & efcrits de faincte Hildegarde pour recognoiftre s'ils eftoient conformes à la parole de Dieu. Le Pape enuoya par deuers elle l'Euefque de Verdun accompagné de notables perfonnages qui luy rapporterent fes efcrits, ils furent leus publiquement en prefence de plusieurs Doctes, & particulièrement fainct Bernard Abbé de Cleruaux, qui auoit esté maiftre & Abbé d'Eugene, ces efcrits leus vne partie furent fupprimez à l'occasion qu'ils touchoient fur la reformation de l'Eglife, de laquelle crioit fainct Bernard & particulièrement en ce Concile de Rheims il luy fut commandé d'efcrire, mais commandé d'autre part, que fes efcrits ne fuflent diuulguez, ce qui n'a esté, finon qu'ez œures qui font venus iufques à nous de fes Propheties & expofitions fur les Euangiles, qui font demeurez iufques à nous, & quelques vnes de fes Propheties les plus fecrettes qui font venus iufques a ce temps, en forme de cabale, comme celle-cy qui eftonne toute la terre, cefte Vierge vn iour fortie d'un fommeil prophetique dict, l'ay veu le Decade accompli & le Sexenaire de cent, quand ils feront accomplis viendra triple petit Sexenaire, lors

le ternaire Celeste fera paroistre au Ciel vn Astre non accoustumé de voir, c'est celuy qui a conduit les Mages d'Orient pour adorer vn Monade engendré du Monade, *Et ex duobus venit ignis*, qui reuiendra sur nous, puis quand les trois petits Climateriques seront accomplis, le iour auquel premier i'ay veu la lumiere, le corps lumineux eclipsera & lors, *Orietur tribulatio in Ecclesia Jan-cti Petri*. Ceste prophetie doit estre accomplie en ces temps. Hildegrade escriuoit en l'an 1266. Aussi elle dit que la Decade c'est à dire mil ans sont ia reuolus: mais que lors que le sexenaire de cent seroit reuolu, qui sont avec mil six cens ans, & que le triple petit sexenaire le seroit aussi accompli, qui sont dix-huict ans, on verroit vn Astre extraordinaire, qui est nostre Comette, qu'il faut tenir pour constant estre vn Astre nouveau, comme sont tous les Comettes, voire que quelque vns ont eu l'opinion, comme de celle qui apparust l'an 1556. estre l'estoille qui apparust en Perse pour seruir de guide à conduire les Mages qui vindrent adorer Iesus Christ. Celle cy estre la mesme, mais pour l'Eclipse du corps lumineux qui viendra trois Climateriques petits rendus iour passe vist lumiere (c'est à dire) iour de sa natiuité: c'est l'Eclipse de Soleil qui aduiendra le vingtiesme de Mars l'an 1621. iour de sa naissance selon Trithemius & Theodoric Abbé de l'ordre saint Benoist, qui a escrit sa vie: les trois fois sept serot accomplis à 21. nombre mystereux tant pour le ternaire que septenaire. Ceste Eclipsé sera grande & espouuantable aux spectateurs d'icelle, tant pour l'obscurité qui viendra si gran-

de sur nostre Horizon, que pour les effroyables conionctions de deux planettes, ſçauoir le Soleil & la Lune. Elle ſe celebrera dans le ſigne des Poiffons, elle commencera à neuf heures du matin, ſelon la ſuputation Gregorienne, mais Origan ſelon la vieille ſuputation nous la met l'vnzieſme de Mars en la meſme heure, elle ſera eclipsée de dix doigts, par conſequent très grande

Voila ſa grandeur.

MIDY

Grandeur de l'Eclipse de ☉.	{	7	02	{	4	{	& D 36	{	Eleuation poſée.
		8	21		Au		5		
		9	20		Cli		6		
		10	16		mat		7		
		10	56		8		& D 52		

Le temps qu'elle durera.

{	Cômencement	{	11	40	H	{	Toute ſa durée 2. heures 37. min.
			19	6	PM		
			13	1	H		
			21	43	PM		
			14	17	H		
			21	43	PM		

Les effets de ceſte Eclipse corespondent a ceux de ce Comette, leſquels effets ſont ſi grands & eſpouuantables, que les ayant avec grand labeur recherchez, trouuez ſelon le ſecret de ces Propheties icy deſſus dictes, ie n'ay voulu les declarer que par ces quatrains ou centuries, où de quatre à quatre i'ay ioint vne Prophetie, de la-

quelle j'ay les extraicts, afin de là confirmer mesdites centuries : Ceux qui ont l'esprit d'intelligence les entendent, quatre quatrains ou cinq sont pour vn an, en continuant ceux de mon Almanach de ceste ptesente année 1619.

V.

Pour 1619. 1620.

*Je voy la passe mort aux yeux pestiferés
Courir de çà de là de Prouinces en Prouinces,
Vn autre la regarde aux yeux tout retirés,
Et se mocquent tous deux & de Roys & de Princes.*

VI.

*Et puis veut mesurer vn petit Phidias
Par l'ongle le Lion du riuage Isterique
Cinq, vn sont ja passez ce Lion n'entend pas
Car de son fol penser est venu frenetique.*

VII.

*Je crains les Champignons qui sur vn mont sont nez,
Que portez doucement dans la riche cuisine.
Que fricassez par trop qu'ils ne prennent au nez,
Y ayant par trop mis du poiure de la Chine.*

VIII.

*Où serez vous H. E. ja la crise vous tient,
Escoutez les propos de la Saincte Cabale,
Ne vous targez de P. car ce qui vous soustient
N'est que le cinq fatal de ce dard de Cephale.*

*Cabala mosin abri masson busal sophas strabis
Caffalit sta satax solamer alchida zefari alea-
zac stapha picuris, impressa la fustuch qua-
drem solimanu draftu leirbocq dos gecelum gra-*

*sale cosaphunus ofsyres bachin scandru rachil
 lazarus ftoyoman aston satrapi, solthor zarul
 ganoph distro sphela chalu frizo Theleman ca-
 strator Othomen cofmer loratho helide por the-
 mo squisto gab.*

Ceste Prophetie icy est extraicte de l'ancien Thal-
 mud Babylonien, & estoit escrite en Caracteres
 dits Celestes, où l'escriture dite *Scriptura Mala-*
chim, ou *Melachim*, dont vous en voyez vn Alphabet
 en l'Appendice de plusieurs & diuerses langues de
 Theseus Ambrosius: Aussi en H. C. Agrip. au
 troisieme liure de sa Philosophie Occulte. Ie n'ay
 peu luy donner autre sens pour la faciliter d'in-
 telligence.

IX.

Pour 1621.

*Les Dragons ja blesez qui viuent languissans
 Entenderont la voix du Ciel çà bas en terre
 Elle est cheute, ell' est cheute avecque ses enfans,
 Celle qui nous vouloit faire nouuelle guerre.*

X.

*Alors milles Aiglons aux carnages portez,
 De leur hur feront bruit ainsi que sauterelles,
 Qui sortis de ce puits de contrarietez,
 Mangeront la Cité d'auiditez cruelles.*

XI.

*Garde des Gibelins le discorde cruel,
 Les cinq orbes arondis vnis tout au contraire,
 Leur pouuoir es fera par vn acte actuel,
 πάντα φίλων κοῖνα, seront mis fort arriere.*

XII.

*Le vieil cinquante & cinq se voyant offencé,
 Par l'Aigle déplumé il cherchera la guerre,
 Mais Atropos venant d'un ciseau courroucé,
 Tous deux les liurera pour captifs à la terre.*

Sub Aquila grandi quæ ignem fouebit in pectore,
 conculcabitur Ecclesia. Nam potens est Deus
 suscitare & Francos aduersus Ecclesiam, qui eam
 humiliabunt. *Sainte Brigide.*

Post hæc egredietur Aquila de Germaniæ rupi-
 bus multis associata Griffonibus quæ irruens in
 ortum chrismatis, sedentem in sede Pastoris, de
 quinto climate, fugabit in septimum. *La Sibille
 Cumée.*

XIII.

Pour 1622.

*Le croissant Ottoman de Gog voudra sçauoir
 L'espoir & son pouuoir : mais LOIN plein de courage,
 Arrestera le cours de son puissant pouuoir,
 Soux l'espoir que par Tros ils sont de parentage.*

XIII.

*Je crains que vers l'Archer se tourné vne grand faux,
 Ou l'Ange de Phæbus nous meine au Sagitaire,
 Que par armes nous soit authrice de grands maux,
 Remplissant l'uniuers d'un exploit militaire.*

XV.

*La mort de plusieurs fera donner la paix,
 A. E. G. F. & V. mais de peu de durée,
 Le troissant, s'esleuant voudra deffoux ces loix;
 Engloutir tout ça bas & la route Esberée.*

XVI.

*Et puis lors les Phocens peuple assez belliqueux,
 Encontre ce Croissant voudront entreprendre en lice,
 Mais le sucré figuer, tout froid, & tout frilleux
 Nous reticndra tous froids par crainte & malice.*

*Patissa homos ghelur C. siapherum, menileketi,
 alur : Kenzud , almai , alur : Kapzeiler ie dy
 yladegh , Gyaur Keleci esi Kmasi , on tki yla-
 deggh onlarum beghligheder enuui , iapar baghi,
 diker : bahesai , baghlar , ogli Kezi olar on iki,
 yldenssora Kristianon Keleci , ehkar ol Turki
 ghereßira. Franc. Ricold. en ces Propheties
 Arabes.*

XVII.

Pour 1623.

*Eionas ce vouldra monter au Lac Lemán,
 Fort grand apres ce fait fortune decoloré,
 Quatre, neuf, vnze & six auctques Supelman;
 Et ne seront pourtant leurs fortune encore.*

XVIII.

*Ah, que de feux & sang! tout autour des Autels,
 Tout est ionché de morts, il n'a plus de concorde
 Car mesme sans pitié viuent les immortels,
 Et aux Cieux & ça bas n'y a misericorde.*

XIX.

*En cet an vingt & trois il s'en'trouuera maints
 Qui n'auront point de Dieu, que far, hypocrisie,
 Encapucez d'habits ce maintiendront des mains,
 Disant qu'on recognoist par tout leur frenesie.*

XX.

XX.

*Vn P. voudra vn P. hauffer bien au plus haut,
 Mais le C. au & Gret; aura haine mortelle,
 Je sçay que tout cela n'aura point de defect,
 Car ils sont trop vnis avecques leur sequelle.*

*Iusto iudicio hostilibus incurfibus conculcabitur
 nauicula Petri & clerus turbabitur. S. Brigide.
 Erit in insidiis sponsæ agni de pauperans cultum
 eius. La Sibile de Crete.*

XXI.

Pour 1624.

*La Lyre, le Dauphin, le virent tout soudain
 Naistre dessus les bords de la claire Tamise,
 Et en ioignant le Nord d'un visage tout vain,
 Fera mettre beaucoup en pourpoint & chemise.*

XXII.

*Lors on verra ça bas deux effroyables Osts
 Qui viendront se choquer tout au milieu des plaines
 Des Sarmates affligés, mais vn le plus dispos,
 A l'autre luy fera perdre cœur & l'halcine.*

XXIII.

*Lors le fleuron doré par sa sage bonté,
 Accordra ces débats & puis fera reprendre
 Les clefs à vn & deux, lesquels auront dompté,
 Le schisme tres-cruel & le tout fera rendre.*

XXIV.

*Vous Croix de Gaudefroy vous serez arborez,
 Sur les monts plus pointus & cimes orgueilleuses,
 De chacun serez veuz & de tous adorez,
 L'honneur vous en sera d'ames precieuses.*

Iuxta est dies Domini, iuxta est, & velox nimis: Rogate quæ ad pacem sunt Hierusalem: & Ecclesiam iam dolentem confortate, iam errantem informate, iam diuisam reintegrate, naufragantem ad portum reducite, ne fiat illud scisma magnum quod per ambulum erit Antechristi. In cuius aduentum de Ecclesia verificabitur illud Hieremiæ Prophetæ. Omnes eius portæ destructæ: Sacerdotes eius gementes: virgines eius squalidæ, & ipsa oppressa amaritudine: tunc Petri Nauicula, scismatico turbine diutius agitata dissipabitur, in proximo submergenda. Ioannes de Burgis in libro qui de varietate Astronomiæ inscribitur.

Propter Tyrannidem principum & cupiditatem prælatorum, Ecclesia percussa est & vidua Saincte Hildegrade.

XXV.

Pour 1625.

Lors vn Ange crierà, Rien, Rien icy venez,
Et sortez des prisons, car nostre Absinthe amere,
Et s'il qu'est en second maintenant est sans nez,
Car tout est inconstant & farcy de misere.

XXVI.

Aimer à cest voix sera tout retentir
Vessus les bords des eaux les Nymphes les plus blles,
Espérant & bien tost qu'on verra despartir
Dans l'enclos des grands murs ses ames peu fidelles.

XXVII.

Garde que se vil. Dieu qui se void aux iardins,
Trop veu & trop porté remply d'ignominie,
Que par trop prompts exploits des Argus feminins,
Que ces Cendres de luy ils ne repregne vie.

XXVIII.

*Je voy donc vn cher I. aspirer au Chapeau ;
 Qui trompé grandement mais tout plain d'esperance
 Se tirer sur son bien , car il void le batteau ,
 Ou bien vne grand Nef , qu'a besoin d'assistance.*

XXIX.

*Il n'a rien icy bas qui n'aye changement
 Dira l'Ange du Ciel à tout la compagnie ;
 Mais obeis aux loix du sacré Haut-tonnant ,
 Et tu recevras & l'honneur & la vie.*

ET IAM VENI DOMINE IESV.

Voyez Maistre Alain Chartier en son liure de l'Exil pour ces dernieres centuries, vous verrez choses admirables .

O grand Dieu qui as enseigné les mains de ton seruiteur Daud à manier les armes , fois protecteur de nostre Roy : conduits ses mains à r'emporter la victoire de ses ennemis , le tout pour ta gloire , l'accroissement de ton Eglise & au bien de son peuple , afin qu'un iour chargé des ans de Nestor , des victoires d'Alexandre , de la paix d'Auguste , de la pieté de Constantin , & du zele de Theodose , il regne avec toy eternellement en la gloire , que tu as preparée aux tiens.

VRAYE PROPHEETIE, OV
 Prediction de l'Estat de l'Eglise
 iusques à la fin du monde,
 de S. Vulfren.

Quand du monde peruers la haine cesserà,
 Contre les Saincts de Christ cheminant en Iustice,
 Quand entre les enfans aimez de Dieu sera,
 L'homicide Serpent sans enuie & malice:
 Quand les esleuz en terre on trouuera sans vice,
 (Subiect de chastiemens) quand Dieu plus ne voudra
 Accroistre l'heur au siens souffrans pour son service,
 L'Eglise lors sans croix de repos ioüyra.